



01051

梅里詩輯卷第十七

周篁

篁字林於布衣篁從弟太學生有鷗塘稿

詩話鷗塘吐屬清新微乏風骨少時與先王父並學文于繆處士苕溪又並學師振鎗法于王將軍定遠鷗塘又學白打于僧法仗經羅如飛數十壯夫辟易不敢近顧中村贈以詩云我鄉個體推周郎少年開不蠶蟀場指揮戰鬪神飛揚有時走入屠狗市長鎗短打堅壁壘肝膽照人欠一死興來琢句尤清新豁寫胸臆何輪囷昔時阿兄老詩伯時亦避舍為遠逃年來遊歷瘦都下相見真同腐儒者鷗鳥忘機不思入木雞養到形非假相看潦倒但飛觴醉來話舊還連牀十年說離說不盡紙窗落月搖寒霜盡閱歷久而豪氣除矣

宿父山

父山我舊廬榻來寄幽蹤上有高人居寥寥聞暮鐘古潭映

梅里詩輯卷十七

卷十七

一

深碧下或潛虬龍嗟茲實培樓雲氣何重重徘徊顧四野清
嶺生長松浩然發長嘯月出東南峯

雜詩

輕風蕩浦口綠水生微波蕙蕙斷腸草姣好連理荷美人感
獨處况復歲月多迴文寄妾怨出塞愁君歌悵然懷久役起
步投鳴梭登樓試長望道遠將如何

歲暮與范聖游

蕭條歲將晏車馬無經過窮巷寒氣深况乃雨雪多索處忽
不憚念子重悲歌賣藥豈長策志業空蹉跎舉止愧鄉閭發
言畏風波安得舍此去笑傲同巖阿

過指月庵

西溪蘭若幽霜華凍苔石塵俗多經營歲暮少來客唯飾素



心人相共數昕夕厨烟繞竹青晚日沈林赤齋鐘發清音山
鳥歸倦翮老僧乞食還洗鉢溪水碧跌坐機心忘燒松寒氣
辟丈室覺自寬世路嫌多窄清寂聊共參喧囂暫相隔無言
得真詮慎行有深益躁妄滋悔尤宣尼訓堪釋深公買山棲
此意良非僻

游息溪上言懷

清秋衆務閒人值臥疴好高天放新霽幽園散行潦涼風逖
階除落葉自能掃北牖聞鳴蟻切切在叢草淒焉感候遷沈
憂集懷抱嘯曩秉孤潔牛驥羞同阜詎料時勢殊初終難自
保亦識組綬途虛華非至道顧念垂暮親名成苦不早志氣
擬崇基結髮攻文藻天命會有定徒使形神槁隱顯兩未諾
遠欲慚綺皓苟得一頃田何妨巖穴老

梅里詩輯

卷十七

二

負疾方匝旬蓬門少塵事幽蹈循斷垣輕裾礙薜荔西日照
東臯鬱紆隱蔥翠小棹徐迴溪孤僧暝投寺只此眺望間爽
然澹名利予夙懷遁棲勞生未能遂外牽世俗情內滋室家
累進退多苦難爲歡竟無地側聞古人風千載欣同致欲遵
阮公達願學劉伶醉蕭散隨鹿麋免遺物所忌榮辱咸相忘
庶愜平生意

偶感

蛟龍困溝渠良才伏草莽置身乏良圖青雲未能上家貧親
故稀地僻莓苔長落落無歡娛依依念朋黨意氣復空言平
生徒慷慨舉眼盡如斯山林欲長往在言寡毀譽居心罕倚
仰皎皎孤月輝庶幾喻高朗

雨天柬寄王怡

霽雨氣蕭森寒氣達虛館重陰黯四垂淒淒日易短居貧動
息閒處困精神懶祇以多病餘知交遂萍散倚扉曉村落杳
曠行蹤斷山隱晚靄迷橋低秋漲滿荒利鳴鐘遲夕鳥歸林
緩覽物增懷思殷勤念同伴欲因濁尊酒相對披衷款倘不
逢素心安從舒憤懣

西園精舍分詠得嫩字

鷓鴣巢一枝芝蘭生九畹寄託各有宜幽人愛嘉遁厭聞俗
士言喜就山僧飯林鐘鳴數聲庭蘚積盈寸曲舍飄旃檀斷
壁搖蘿蔓蹺蹺朝市違風景林泉遠深沈慕溪魚矯捷看松
廳木石形自忘魚鳥情多倦日落上層臺稍豁胸中悶清寥
愜性情孤高出塵空游眺遲春明青浮遠山嫩

集史氏園亭范聖游留飲分得落字

梅里詩輯

卷十七

三

緬懷託山林倦足遠城郭寂寂涉南園團團日西落板橋低
渡人乳鴨靜依壑籬根亂石欹水面餘水薄繁華世攸慕此
地誰能託孫登已云沒陶潛難更作眷言同心人來探共寂
寞蘭溪有范生懷抱雅相若爲養堂上親恆採山中藥開館
望遙峯肆筵款深酌促膝頻笑歌秉燭紛酬酢聚首當畢歡
分途易飄泊丈夫感意氣君子重然諾砥礪在苦心清言豈
云謹

送丁筠雪中翰歸燕

江南歲苦旱赤地亦洪爐良苗旣槁死嘉樹亦焦枯貧農盼
雲霓旦夕引領呼東海波浮天豈解心煩悞安得作甘霖俾
此羣黎蘇誰當懇陽侯沾灑周寰區八月有四日丁子歸燕
都齋舲奉慈母去去情歡娛半夜打鼓行錦纜牽徐紆子有

濟世心置身宜當途珥筆摛英華翔步青雲衢先達正推轂
當宁方崇儒何以救民困獻策佐廟謨細繪鄭圖進乞免三
吳租再請發天庾全活溝中癯隻手回造化邁克稱良圖詩
賦節太平耽玩非壯夫伊余守章句老大棲菰蘆忽忽擲雙
丸於世何有無側足瞻行旌心切轉躊躇臨歧贈斯言幸勿
棄蕘芻

和古南牧老人四詠

存二

嗟予縛塵鞅愛此梧軒靜

梧軒爲老
人齋額

疎竹風翛翛坐來發深

省奔走百年間奚殊流電影灑掃遲故人扶筇以延頸

秋軒

穠灼春芳歇幽台獨秋花譬彼吉士心曷嘗慕紛華皎月映
苔花涼風吹水涯候蛩草際鳴唧唧猶歎嗟

秋花

晚過觀瀾庵卽事

梅里詩輯

卷十七

四

寒暑相遞遷每歎白駒速西溪久不來路口橫脩竹地僻阻
迴瀾橋危接孤木水磴生綠錢霜籬敗黃菊斜日澹郊原衆
鳥喧林麓禪室耽清寥塵境傷局促顏闔鑿深坯孫登嘯空
谷昔賢非絕人達者羞干祿予生亦何爲老大終鹿鹿今朝
謝塵鞅山僧共幽獨物外多留連此中堪信宿東院聞鳴鐘
坐使心魂肅

登爰山望臯亭懷友

極目西南外臯亭不可攀白雲連古峽清磬隔前山薄暮空
憑眺長風任往還幽蹤定何處應在兩峯間

朱買臣墓

訪古一惆悵悲風吹綠蘿艱難當日事淪落負薪歌尚有孤
墳在曾無駟馬過蕭蕭松柏路千載向山阿

溪上呈家兄

吾家此溪水朝暮潛幽蹤暮見水邊月朝聞溪上鐘羊牛深巷下燈火比鄰春近說躬耕好相將問老農

和杜鄰若過懸公西溪精舍

向晚尋支遁平林小徑通柳深三月雨花滿一溪風思落青雲外名高白社中相逢真寂寞空自老揚雄

歲暮送許箕

征鴻南渡盡遊子始言歸雨雪津亭合烽烟客棹稀離憂方卒歲飄泊更無衣後夜梅花月相逢夢不違

除夕懷許箕

今夕爲除夕蹉跎又一年明燈坐虛室開篋檢殘編茅屋春山路梅花雪夜船何當更乘興樽酒共留連

梅里詩輯

卷十七

五

秋夜同諸子集朱彝鑿村居

言訪幽棲客青林夕景斜倒衣仍命酒移席共看花河朔樽長在邨南路未賒明朝有餘興重此問朱家

留別

淪落今如此飄零只自憐學書悲夙昔負鋪感餘年亂草荒原白秋花錦石妍豈知杯酒外離恨滿風烟

送別

送客離亭外長歌行路難帆開江水闊日落海雲寒執手情何極臨歧涕未乾風花不解恨飛舞更漫漫

客舍言懷

多病兼爲客愁聞風雨聲淒涼知旅況蕭颯起秋情碧蘚侵牀暗丹楓入檻明異鄉淹歲月坐使壯心驚

石湖曉發有懷李秋錦

雞鳴官亭曉危檣露未乾湖頭風浪急吹上客衣寒卽此懷
鄉切知君去國難音書久寥落那_不念加餐

和答放眉師見訪

工詩慙謝客嗜酒類淳髡晝雨頻開帙春風獨閉門樓臺連
古剎花木隱西村未達浮生理從公數討論

題豐村戴如度草堂

羨爾豐村草堂僻紅塵阻絕稀交遊桑麻十畝類彭澤圖書
半生傳虎頭

戴善丹青

梅花製曲感同調竹葉開尊消遠愁可憐

乘興杳何許悵望清溪空釣舟

送朱錫鬯之雲中

念汝頻年苦潦倒辭家八月向關西可憐入口艱衣食猶傍

梅里詩輯

卷十七

六

他鄉聽鼓擊紫塞風高秋色遠黃河日落亂峯低雲中候鴈
南飛早尺素加餐好數題

與家兄夜話

十載衡門掩薜蘿近來消息更蹉跎中庭草暗秋蛩語小榻
涼生暮雨過漫說關山分羽檄正憐蓬華共謳歌風塵老大
終貧賤相對閒居歎若何

和韻滄敷功遣興

山林城市趣能兼輦下棲遲爾勿嫌金闕曉雲千縷散玉河
春水半篙添隔鄰酒美因知姓入戶花香不礙簾旅恨閒愁
聊自遣清詩險韻故頻占

長門怨

月落長門裏笙歌靜夜傳君恩元不溥承幸已當年

送篋公入山

蕭蕭風雨暗長林，惜別何堪別思深。直入千峯萬峯去，故人何處復追尋。

春日溪南書事

大道珠樓斷復連，佳人悵望隔金鞭。菖蒲不是千年草，相映紅裫亦可憐。

前津疎雨濕蘭苔，七十鴛鴦一水遙。腸斷畫樓今夜別，獨留清怨在河橋。

送錢建章

送別江城酒再沽，月斜人醉亂嗁烏。離情絕似秋江水，宛轉隨君到蠡湖。

周 箬

梅里詩輯

卷十七

七

箬字弁山

詩話弁山詩見稱於簞谷爲之作序風神雖不及鷗塘而筆力森挺殆欲過之

與雪立

長風吹大澤，疾雷走龍蛇。神駿駕鹽車，伯樂生咨嗟。嗟哉丈夫子，流俗天一涯。懷才而未遇，金玉委泥沙。伊尹非要湯，何以成大功。毛遂不自薦，將與賤隸同。我來自江左，三年如轉蓬。安能易初服，拜揖于王公。君子有同懷，勸哉慎厥躬。

客次有感

近日憂離甚，他鄉寄跡難。功名歸介胄，辛苦在儒冠。烟薄山城晚，天清野戍寒。迢迢浙西路，長向白雲看。

得家兄申江書

迢遞參軍府，平安故國書。暮雲思戰壘，春草夢離居。

靈鵲潮迴下錦魚
半年消息少展讀喜何如
送人從軍

彩鷁浮三泖朱旂下五湖
將軍膺節鉞壯士問屠沽
作客休彈鋏臨關念棄繻
家園幸無恙努力贊軍需

秋夜與許璠對酒

有客乘舟夜到門
便同籬下倒芳尊
秋水落白魚出野館
霜深黃菊繁
已分風塵淹歲月
任教鐘鼓報晨昏
勸君莫作尋常遇
故舊蕭條不可論

楊白花

風中楊白花漂蕩青江畔
那能起迴風吹來再相見

客中口號

細草穠花接遠天
春風春雨白年年
男兒三十有漂泊
匹馬

梅里詩輯

卷十七

八

蕭蕭在路邊

褚于巡

于巡字二觀號鹿堂庠生有聽玉樓詩草

詩話鹿堂性癖耽吟恨無驚人之語句如雨送殘年
夢燈迎半夜春聽殘銀箭人孤枕摘斷烟蘿雨一樓
未嘗不清鍊也

農家詞

刈麥宜天晴插秧宜天雨
雨暘各有時胼胝足辛苦
婦女早盪耕東作貴先務
秋成幸有期努力築場圃
新穀旣已升輸納先官府
夙逋旣已償歲宴誰叩戶
相期大有年幽歌祀田祖

過硯耘叔香草亭

門對香林近池通石徑斜
築樓貪看月薙草愛栽花
硯滑書

魚卵泉清淪芥茶坐深成小憩松際落歸鴉

憶爾載客廣陵

晴郊芳草自青青對酒相思醉復醒今夜月明應有夢與君
同上竹西亭

楊柳詞

沿堤柳色幾枝斜朝帶微雲暮帶鴉寄語行人休折盡也須
留待客還家

褚振

振字南英文學子庠生

詩話南英詩爽于晉齋淺于今遠

登樓懷朱大

薄暮南樓上懷人淚泫然書成千里隔望盡一帆絲匹馬西

梅里詩輯

卷十七

九

風裏長途落炤邊應知傷遠別歸思復何年

寄懷戴大

昔別曾幾日離思結九秋愁看一片月懶上最高樓尺素從
人寄扁舟憶遠遊何時更相見尊酒話綢繆

徐寅

寅字虎侯處士貞木子有秋田詩鈔

詩話白榆山人書法篆章詩歌稱爲三絕虎侯先生
克嗣家學有聞於時

海昌陳氏四硯歌

何者製硯稱最佳獨數端溪老坑石拙閒堂中慣藏弄藉以
縹囊大盈尺四硯一一如連城卞和氏璧錫以名象形命意
各類此摩挲瑩潔如天成主人書法工無比健筆猶龍墨池
起春蚓秋蛇未足云字曰龍池良有以其一賦理石色勻宛

若遇雨林宗巾擬之折角毋乃是拂拭且喜無纖塵蟾蜍之形更奇絕天上分明應圓缺歐陽石屏猶不如月窟疑從羿妻竊吁嗟四硯天下無銅雀古瓦何爲乎狂呼至寶入吾眼興來捉筆爲君書

李錢琇

錢琇字補山號琢亭學博明整子桐鄉歲貢生歷處郡新昌蕭山諸學訓導有道南堂詩存

詩話琢亭遊武昌值裁兵煽亂流離逃竄僅以身免所客衡永間適茶民作難又與兵聚相際抱負恢奇唐宋人也

賈太傅故宅

我謁太傅祠弔古心傷悲立言誠不朽惜哉非其時當日狂治平一切咸羈縻洛陽來多少慷慨陳便宜首言分封強次

梅里詩輯

卷十七

十

言邊備陳智者觀未然一一如蒼龜無如衆所忌獲譴在危詞猶龍有遺訓知雄守其雌書生當始進痛哭誠何爲遷謫亦主恩敢復懷怨咨長沙卑溼地歲月空棲遲作賦聊自廣鵬集能無疑惟憂足傷人長壽不可期嗚呼三閭放逐憑誰訴汨羅夜雨聲淒楚漢文一代稱令主才若賈生棄如土

嶽麓寺

天半濃陰合疎鐘出梵宮竹筒通澗水石徑響松風野曠餘殘燒峯危落斷鴻春江新霽後點點見烟篷

蘭江道中

寂寞蘭溪道西風傷客心山容雲外淡樹色雨中深斷雁憐孤去空江愁獨吟遙看燈火處野渡尙難尋

秋日漫興

久與世情絕南村卜築偏晨炊敲石火晚渡喚漁船孤鷺寒
烟外垂楊古岸邊江干容嘯傲野色自年年

常山曉行

殘月荒城落征人趁曉雞峯迴千嶂合徑仄亂雲低帶雪梅
全凍經霜麥未齊涓涓溪水下水流過板橋西

南康阻風

石尤吹不住信宿傷沙隈雪浪兼天湧驚濤撼郭迴還家憑
短夢得伴且深杯數遍南歸鴈孤舟倍可哀

禹碑

鳥道千盤上殘碑片石存山花攀絕磴野霧失前村勝跡亂
龍護荒巖虎豹尊楚天憑極目小鵝藉雲根

送龔仲圭

梅里詩輯

卷十七

十一

寒山歷歷記同遊轉眼東風叫栗留贏得詩名傾楚北又催
鞭影去江頭孤燈茅店人千里野渡荒村月半鉤到日隴梅
應可折早將春信報南樓

巖州

隱約孤城出翠微隔江燈火見柴扉清泉百尺穿雲下白鳥
一雙掠水飛棹轉鐘聲來破寺月明山影到征衣今宵旅夢
知何處露溼芙蓉落釣磯

慶都道中

廉纖細雨洗塵埃曲曲溪流長綠苔隔岸鐘聲人不見落花
無語燕飛來

許肇位

先祖原諱菖字方穀號省齋海昌邑庠生累封奉直

大夫昭勇將軍有省齋集

詩話先祖少受業於外父屠昂齋先生又從俞漸川施博瞻修葺先生游講明理學力行功過格古文宗大蘇詩非所務與范民彰朱西峻蔡遠士朱求侯李約山蒲副工諸先生爲省齋七子

送范民彰之吳門賣藥

吾鄉多碩儒維昔推貞簡家世本蘭陵清才美無限卜居梅花溪萬卷爲恆產先子稱同好林泉事高蹈行吟造做廬歡迎屣常倒媿媿論經史銜杯闡微奧彼此感終天撫膺各悲悼憐君有父風陋巷還嘯傲今遊闔廬城慷慨辭我行以茲青囊術到處爭逢迎勿作兒女別况非千里程縹緲與穹窿一望空翠橫採藥暫時去窈窕愜幽情閩闔十萬戶應俱識爾名

和陳昂游破山詩

梅里詩輯

卷十七

十一

山氣秋來爽尋幽且共之雲間堪坐嘯竹上且留詩松籟聲偏靜斜陽影乍移莫嫌歸路晚秉燭爾何辭

海棠更榮蒙庾清青士諸君子念先人過訪感賦二首

家君往日植芬芳數載相看黯自傷何事今朝花再放祇餘朋舊共傳觴

由來翰墨共周旋今日蕭齋影自憐尙有名花樓下發依然唱和似當年

蔡燿

燿字遠士又字遠是號懶人德清人移居梅里國子

監生有山草堂詩

詩話懶人祖官治萬歷己未進士仕至陝西巡撫名重東林懶人天資絕高讀書畧觀大意詩歌書法皆有聲性疎懶同學朱求侯以狂自喜時稱狂朱懶蔡
李秋錦詩怪他懶蔡就棋局不與狂朱語宛陵查

山詩狂未懶蔡流傳久求俟亦曰懶蔡狂未飽並傳我于懶蔡更加顛達士與求俟詩我懶君狂俱是病莫矜長處謀生平而懶自若也其于衣冠容止不加修飾而眉目間自具神秀論詩極嚴于時人詩解當意以為未論詞采先論意思未論聲韻先論氣體子文安幕遊四方其家僕嘗以鐵稱錘易餚糖賣餅者疑而鎔之則黃金也孫繩祖讀書過目不忘天死繩祖有弟貧不能自存入靈源寺為僧懶人遂無後

客吳門有懷不為

君我交最久蹤跡無齟齬我懶異君狂吟詩各機杼因之有
諍言如白投以杵擊撞加千百相麗不相拒我時登君堂君
亦造我所君即不解飲問亦呼陸謂山厨有常饈秋菘春蕮
茹雖無甘草遺愛君猶蛩駘不見即為恨何必千里距一日
即三秋何必閱歲序自我別君來寂寂嘆無侶問我開眉事
屈指無可舉唯有夜雨多點滴供離緒離緒已不堪况復雨
如許

梅里詩輯

卷十七

龍山便道過呆庵

菰蔣風急片帆秋鄰海諸峯我舊遊青接斷垣雙柳合綠隨
斜照一溪流僧于劫外宜常住客到山間得小休咫尺雲松
佳絕處振衣不擬便回舟

友人移居

數竿屋後竹為屏藥徑初成僻未經昔者越人曾有傳居然
陋室可無銘橫行兔苑稱詩將上應天文是酒星醉裏行吟
不在遠石橋流水儘堪聽

柳枝詞

青粉墻邊紅板橋春衫連臂蹋春宵只看無力支烟月忍著
棲鴉坐軟條

沙邊渡口厭春烟暫結比鄰只釣船也有野鷗頗解事紛紛

閒趁綠陰眠

同分虎過南屏山房訪蘅圃不值

南屏疊疊翠雲堆一片山烟鎖不開問訊東垞吟屐在滿船
風雨渡湖來

醉鄉何處滯無功辜負危檣一日風咫尺孤山曾有例還應
放鶴覓山翁

秋日柳亭雜咏

綠樹陰斜枕簟清颼颼簾外竹風輕驚回亭午儵然夢卻恨
殘榴墮地聲

叢蓼花開簇簇垂俯階阿那弄幽姿分明烟雨漁村路斜入
船窗一兩枝

朱願爲

梅里詩輯

卷十七

七

願爲字求俟一字不爲孝廉一是子國子監生有紫
薇軒存草

詩話求俟出語必靈一塵不染少壯時敦尚氣節時
睨一世故有任朱之目極爲長洲汪琬著文許可性
頗相類也遷歸濤溪故情詩酒不入城市高潔殆不
可及吟稿極富存草二卷周簪谷序之以行特其少
作耳在吾里時與先王父省齋先生交最善爲省齋
七子之一七子者范懋官民彰朱昆田西峻浦越喬
副工蔡耀遠士李我郊約山井先生與先王父是也
先生子王允字學庭康熙戊子舉人

東餘軒寄受茲

今年買東餘池邊添小閣開窗望平野雷輕隱雲薄驟雨走
前林濃烟溼村落君居村落間衡門日蕭索思君過溪來爲
君陳畧句明朝有好懷來慰花殘弱

暮秋山行

峯勢轉溪灣藤蘿不可攀誰爲同調者相對有高山目送飛

鴻疾心如太古閒最憐蒼翠色偏在夕陽閒

苦雨

鳥道天邊斷野烟凝數家門前客不到村外酒能賒松徑荒
逾甚山厨冷更加半春竟如此開過隔牆花

過石佛庵分得連字

一春長有約結伴虎溪邊盡日閒如此尋僧事偶然婆娑樹
影合蕭瑟竹聲連辛苦周居士看花到老憐

中秋友人集紫薇軒分韻得回字

同在紫薇花下飲忽逢零落忽逢開世間百歲人稀有頭上
中秋月又來一別此筵成故事明年何地復銜盃請看西柳
前宵約已誤清光十五回

送梅里諸公偕懸師遊硤川白水山房

梅里詩輯

卷十七

五

佳事蘭橈更筍兜故鄉信美不同遊分泉乞火宜僧院載酒
看山上竹樓勝地從來無俗客新詩大半屬吾流行逢邛壑
添晴綠值得諸公十日留

十五夜明月口醉贈畫眉灣劉較書

我愛宣城未擬還匆匆又說度巖開江連城郭幾重樹路入
西南無數山十五正逢明月口風流不負畫眉灣何堪後會
難憑據刻燭催詩命小鬟

寓楓橋贈吳先生

主人日日出門去攜杖看山不費錢無事讀書秋樹底謀生
小隱太湖邊先君同學曾幾輩賤子與公亦有年莫話江南
舊風景好歸三徑種溪田

感懷

結客如今興已殘，相逢何必羨彈冠。深交只到黃金盡，末世難供白眼看。在魯朱家空好俠，入秦范叔不知寒。他時再過淮陰市，一哭知思舊釣竿。

春曉晚步次方穀韻

絕無山水可留連，攜杖閒吟入暮田。殘杏一村尋酒市，斷橋雙柳繫春船。何時築舍沿溪住，盡日看花帶醉眠。不解行人便歸去，斜陽還在竹樓邊。

閩中秋次李季奕韻

小漲門前徑截流，不勞車馬問羊裘。此生佳節無多會，枉殺今年兩度秋。人事蕭條憑滿目，尋常風雨亦增愁。最憐貧病多時客，好月重來不舉頭。

柳

梅里詩輯

卷十七

六

多少長亭怨別程，故園此夜曲中聲。如何剗盡垂楊種，斷卻人間離別情。

題三溪石坡

嶺上西風六月寒，三溪石壁再盤桓。遙之誤我看山事，歸道如何出四安。初王遙之勸予從四安歸

秋柳

盡日無人樹色青，永豐西角憶飄零。斜陽落後蟬聲散，風月留人到酒醒。

小樓

板橋西渡綠楊灣，辛苦吟成早閉關。九十九峯歸不得，小樓新築望家山。

寄孫謀

三里橋頭酒可賒門前閑插柳枝斜沈家園裏醅醱後不信今年已斷花

過友人村居

竹後溪前自一家門前初見植桑麻如何有此閒耕父隙地都教種草花

周 昱

昱字公遜爰書誤爲拱生以罪誅

詩話幼時侍先大母聞公遜得罪事甚悉公遜與潘皆儒儒不任操刀李允師者拳勇有名亦少年好事相友善遂要與俱給其嫂歸省夜半發舟載而殺諸移寶橋之南及諸女婢數人操舟之僕被刀不死獄成姦事無左證論殺人罪宏俾僚公遜斬然揮刀者寔允師也蓋兩人皆有老親無子公遜謂允師曰我有弟在子死李氏將不祀遂獨承之康熙壬子癸丑年事也予猶及見允師長身骨立目炯炯有光壽八十餘卒無子初公遜好閩水辭傳奇心竊慕之故陷于辟血氣未定時觀書不可不慎也

梅里詩輯

卷十七

七

與允師早起讀書作

讀書乘早涼獄底成幽境秋風天上來吹我衣裳冷雲霞敷錦文星月含清影顧茲草頭露碌碌誰能省

潘啟明

啟明字宏倬庠生以罪磔死

詩話周潘之獄相傳有異聞其一允師既殺多人將偕公遜逸去至移寶橋橋爲之立次日就獄其一周潘既駢死市曹市之居民每暮夜風雨輒聞叩門乞火者問之則曰尋我頭耳尋我肉耳久之始絕

獄中贈公遜

殘月孤燈滅更明霜鐘風鐸復淒清秦臺鏡未塵沙蔽梁獄書空淚血成耻雪寸心甘一死悲來斗酒盡餘生獨憐君志高千古今日誰能念此情

張晃

晃字公彩一字南巖

詩話南巖善寫墨蘭每幅題詩其上書法亦工

雪蘭

凍葉冰根寫耐寒
瘦芽曾不怕摧殘
有時露出春風面
未必凡花一樣看

沈惟祀

惟祀字季瞻一字佳山

詩話閩北石山房集知佳山住項家灣今遺稿無傳亦莫能舉其姓氏從秋水閣唱和集錄得一首

秋水閣納涼看月

碧沼紅蕖豔夕陽
飄來香氣滿餘觴
流空乍喜冰蟾影已照
叢沙玉露涼

梅里詩輯

卷十七

六

夏明良

明良字東一自郡城遷梅里

詩話先生久客粵西熟其風土烏山者地界潯柳之間竹枝十首錄其一章

烏山竹枝

攔腰半截織花裊
白布攏頭掩髻雲
騎犢背人斜渡水
蠻歌細細隔溪聞

陸燮

燮字梅庭

詩話梅庭寫漁家樂事令人有泥塗軒冕之心

次和蔣公凡漁家醪飲

湖水澗且清
山雲若鱗次
羨彼舉網人
呼朋共成醉
蕢酒旣有魚盤
殮何必備
飲酌須及時
勸酬豈無意
烟開翠嶂湧
浪花

發清川媚雖非武陵人風俗抑何異所願在得魚不貪自易
遂醉後無送迎放卻漁蓑睡歲歲且復然漁家真樂事

秋日漫興

編性宜幽築編籬盡槿花庭閒樹垂橘屋老蔓生瓜黯黯歸
雲急荒荒晚日斜詎知寒士宅真擬野人家

王處厚

處厚字貽孫方伯庭孫

長水汎舟

長塘水如練涵此牟尼珠澄淡同虛空青天沉四隅圓光浴
水壺光潔影愈孤吾欲俯捉月踏天有無掬水月不定水
月光相遭水亂月亦碎驚使蛟龍趨

秋日漫興

梅里詩輯

卷十七

充

秋色畫圖開長空絕點埃斜陽遠水岸紅樹白雲堆暑氣蟬
催去寒聲雁帶來年年此搖落日夕壯心摧

周林於所居卽梅谿八景所謂鳴蕩漁燈是也生平仗
氣每讀黨錮傳輒拍案而起年八十餘神明不衰猶能
燈下作小楷云所著又有寒玉樓集周弁山精岐黃術
有兄子臣工繕事於甲申後並昌徐姓李補山爲錢改
齋女夫朱不爲嘗兄事李秋錦秋錦謂其性直率寡諧
所爲詩槍懷存沒行寫牢愁有風人忠厚感激之遺意
王貽孫爲官蔭生援之子周公遜以下七家由輯餘併
入孫融識

梅里詩輯卷第十八

里人許燦衡紫編

朱昆田

昆田字文益又字西峻檢討彝尊子國子監生有笛

漁小稿

詩話檢討藏書入萬卷祕籍為多西峻先生能讀之時稱小朱十嘗佐檢討輯日下舊聞搜遺索隱極見該洽又嘗撰兩都識小錄二十卷三體摭韻十卷續編五卷其詩取材富有而才力足以副之踔躒古今排倒海岳馳騁於韓孟蘇黃香山放翁之間縱橫排真生峭鮮新名父之子自成一家人斯為善承弓冶者矣

次耕客韻卽送入都

三李君最貧連年走東西歸囊薄似葉一手能提攜社日哭

慈母丁年悼賢妻數椽初卜宅信宿辭花谿江城住未久又

梅里詩輯 卷十八

一

蹋渾河堤帽幫風獵獵裘袂霜淒淒冷人趁熟官何異稻作

壑大笑蒙莊子物我安能齊車亦具雙輪馬亦卓四蹄獨有

落魄人周行多窮迷曉驛三十二幅膊荒山雞棗林覓草店

北酒開餅泥旅枕歸夢濃定憶桃鄉犁卦爻畫平田某局布

方畦撥穀出苦口村尾朝朝晚吳農良可樂何必登金閨為

想耦耕暇折松代揮犀枯荷裹紅飯老節搜青藜南歸計若

遂尺紙先緘題

喜雪呈丹徒公

黑雲堆青山風吹雲不動寒氣烈於冬土牛未能送滕六失

職久天意寧肯縱改命付蒼官夜半騎白鳳紛然盛羽衛有

萬玉妃從春花恰五出翦刻觀妙用翁翁厚載危習習陰機

弄灑勻瓦平溝壓重屋欹棟遙天詫鎔銀大地訝流汞起看

岡巒沒頓覺宇宙空遺蝗盡入土宿麥久分種以此占有秋
庶可追飢凍吾公急命駕青絲早春鞞開河排衆議爲粥損
清俸朝來豁愁顏踏雪深沒韃豐年入吾手命客飲須痛地
爐紅玉然酒殘烏銀重絳蠟燒珠燈花瓷出冰餒高談起爭
端得醉卽喧闐直因忘形骸不復計嘲諷公爲一笑解人物
賴甄綜流光苾吐箭游子衣拆縫立雪留師門還山斷鄉夢
今春飄瑞葉去臘懸霧淞齊地早寒夜氣如霧凝于木上作
如雪封條謂之霧淞豐年兆也作
詩續齊諺一助歌飯饗齊人之諺曰霜淞兼
霧淞窮漢買飯饗

田綸震先生許惠羅酒久之不至以詩索之

凍酒常苦烈雪酒常苦甜房酒清香薄東酒濁者黏何況梨
花春味惡脣難沾燕市多酒家家颯青帘釀法爭相誇小
印泥頭鈴飲者雖有曹我心終不忤先生家德水屋接羅氏

梅里詩輯 卷十八

檐衣方寅合麴饋米夜覆苫紅槽一以注臘甕排長欄往年
過漪亭留醉十日淹酌以定州瓷有若冰在匱神人下姑射
朱粉皆嫫媧昨冬來薊邛雨雪浣鞞幘相見話契闊憐我塵
容黔張筵所居堂盡下堂中簾檠跋燭一寸爐簇火一炊羔
以杏酪灌羹以梅漿酤我非高陽徒茗芋意易厭先生顧之
笑卻詫酒戶添連瓶肯見遺許我固不廉別來倏經月出戶
頻窺規未爲臥貧卓翻作止酒潛春風逼上已河柳垂纖纖
斜街盛花事雜卉羅勾尖思攜雙魚楳泥飲朋遊兼投詩一
相索伸紙毋譏嫌

雨稼止酒經年冬夜過予以詩勸之

儀狄一婦人造酒功則大伯禹獨惡之是亦聖人過周公執
羣飲沈湎罪斯坐衛武賦賓筵但立監史佐厥後漸踰閑意

態恣杳拖簡著羅而倒卓抱甕而臥載劉畚鍤埋吐丙車茵
澆於時口號呶於時足氾氾所以柴桑翁止酒詩乃作當其
東籬秋黃金花箇箇南山色娟秀翠壓壓嫻嬌白衣荷擔至
一笑械終破昔我遊五茸小舟泊江邏畢子江許住邀我洗
寒餓村沽清若空中有黃蘗劉大小戶不均一醉混強懦去
冬入國門河沿卸鈴馱我往子亦來相遇塵堀堞春秋換鷓
蟀愁悱擬騷些飲子子不飲急歸勤夜課今秋仍不遇有酒
止則那終年賃僧廬兀兀守茶磨酒星安可囚酒泉豈可唾
不如踞壚頭歌哭荆高和布囊之篋錢尙有裘可貸或貰尋
陽昌或沽訪劉墮一甌齊得器三爵消坎壈且拚日醜醜莫
憚時詆挫歲宴吾將行櫪馬嚙豆莖逝肯偕我還買田種黃
稬

梅里詩輯

卷十八

三

雨稼飲二十杯而腹痛竟夕委頓復欲止酒再以詩勸
之

子飲可百觚茲盡二十鍾方思同旅話已似垂頭龍呼之瞪
不語耳熱面發菸腰如小錘墜腦若亂杵春隱隱雷鳴腸汨
汨水盪胸敗眠百起倒氣輻神恹恹告我繼自今決計仍緘
封毀榼壺卮罍挨排過窮冬翻因一沈頓用博長惺忪子言
未脫口四坐交相哄一誤已不堪再誤母乃惹我今爲子譬
勿謂言多囀人生若草木所貴勤培壅及時爲灌溉枝葉青
玲瓏水泉一以涸安望花茸茸酒以滌藏府洵足媚子容有
酒則觀禮爲德豈必凶孰米汁者佛作鯖鮓者宗日月在醉
鄉不見皇甫松嗟子抱渴久飲伴無留踪迹來沈憂積腹有
如肝融非酒破除之藥石不可攻中宵起如廁還坐不復疼

披絮圍氈爐相對多歡悰檐外風獵獵城頭鼓鼕鼕重開臘
甕泥細細傾醇釀羅列杯小大楷竹匏髹形我焉寒更殺遠
寺撞初鐘辭我出門去見者訝所從昔顏枯槁木今顏生芙
蓉

菽乳和楊芝田先生

淮南王食經八公九師撰惜哉其書亡饌法不可見偶然著
遺術啜菽物至賤叟叟井華淘齒齒石磨旋香同杏子粥細
比葛花麪若酪蹴乳房若篲撇缸面若蔗漿初榨若節黍暴
煎淋漓谷長杓滓汁濾生絹未明雞三號乍啓門一扇篝燈
挂屋壁漑釜燃蒿蕪須臾魚眼沸以笊攪百遍圓紋皺冰穀
斷階揭霜練或以山礬收或以鹽滷澱苦辛澀酸鹹方法從
所便拉設吳地能泡漿杭俗擅我鄉近瘠貧鬻者滿村堰魚

梅里詩輯

卷十八

四

標酒望間水車輻片片

禾中村民鬻腐者以車輻標於林表

移舟就客航壓擔

入僧院綠葵紫牙薑清齋每同薦有時配紅鰕食之已饒噍
乾將酒糟漬敗候梅賦變其味益以往 走異縣都人慣
食肉羊豕日刳割是物纔入市塵沙慘如霰以此仕宦家弃
不錄厨傳編修在金門索米類旻情不因官獨冷止酒罷談
燕菽乳造法殊其訣本陽羨黃豆來西泊紫磴徙南淀浸以
一斗泉漉用五尺眷流匙訝香滑舉坐盡誇銜脂麻與罌粟
瑣細費撇漩未若此易成指顧具鄉饌我本茹藿人羶葷非
所戀春去秋復來飛光等劈箭無心趁杯觴久欲焚筆硯有
客誦新詩令我聽忘勸壓倒孫滄螺濟濟衆才彥作者各擅
場後來豈能先過門思大嚼舍鐵但白戰

得畊客都下書云首夏歸桃鄉喜而賦此

去歲送君桃葉渡紛紛雨雪江城暮今歲憶君梅花溪落紅
如雨成春泥一春飽聽雞頭鶻爲怕愁多睡連月陌上開殘
似面花水邊不見湔裙鞵桃鄉寂寂無人烟古水百折流涓
涓吳牛兩具犂兩架結鄰並葢茅三椽萬里知君遊已倦逃
名舊日曾燒硯試思紅塵插汗腳何如白水釣綫朝來門
外傳素書發函伸紙心顏舒書言南歸計已決春尾定得栖
林廬牛車曉出青門道拄杖無邊堪寄傲不將澹面對公卿
只辦清樽共傾倒春日筍蕨如蜜甜朱藤百尺繁花黏人間
富貴何足數吟興從教日日添

海棠半開小雨初過釀飲花下醉賦二十韻

西園經旬罷扇鑰海棠已吐燕支萼綠房亂點沙斑斑檀口
乍施朱薄薄玉環中酒自嫵媚飛燕臨風原綽約紅珠斗帳
梅里詩輯 卷十八

五

睡未足午夢方回旋掠削絳紗衫子輕若霧半掩玉肌通體
弱花雖無言殊有意似伴詩人春寂寞畫又各下青銅鏡樹
底結巢來醜醜豈知天公欺人與每遇花開風雨作漠漠初
昏楊柳枝霏霏漸灑秋千索趁香閣下蝶翅重溼背梁間燕
泥落飛賤乞放十日晴天公憐我一笑諾麴塵壓住卷風慢
雲葉埽空露晴岬垂垂絲軟色欲滴翦翦風輕態逾嬾丹青
豈能傳畫手愛惜且教張錦幕半開長是近寒食上頓還須
傾大杓湖魚一尾新柳貫乳酒幾餅青篾絡茶苓蜜荔快初
嘗燕菌雞蓂還小嚼與酣日落客未散促席分曹相獻酢對
花不飲豈得計無異黃金鑄大錯須臾圓月生天東更洗花
瓷夜深酌

錢舜舉春郊醉社圖

坎坎鼓蹲蹲舞祈秋成祀田祖田祖醉徹酒脯速翁媪將穉
乳相挽摟來田頭草爲茵花爲簞酌大瓢紛勸酬日未落飲
不休或餪腹或睥目或拍手或頓足或招或攜或追逐或號
或呶或趨起蒹蘆頸長盛餘酒茨菇葉香裹餘肉但願一歲
中三十六雨七十二風蝗蟲入土一千尺水旱不作村村豐
麥兩歧禾九穗桑無附枝瓜並蒂秋蠲租夏放稅安眠不聞
吏打門家家盡作彫瘠計牲如山酒如蔗更率篋錢作秋社
諸葛武侯銅鼓歌爲家中丞賦

建興二年春三月丞相奉命揚王延白旄黃鉞左右列曲莖

孔蓋高亭亭羽葆鼓吹各一部前後導擁將皇靈更有虎賁

士六十軍裝劔佩聲玲玎

裴松之三國志注詔賜亮金鈇鉞一具曲蓋一前後羽葆鼓吹各一

部虎賁六十人羣蠻梗化常事耳遣將亦足征珠庭何爲重煩元老

梅里詩輯

卷十八

六

出注燭無異輪滄溟若曹若孫均漢賊曷不告廟行天刑豈
知純臣有長算根本之地須先寧國家盡無南顧慮乃可北
出施雷霆況此四郡最雄富懞賈賤纒堆蠻坳欲令輸誠出
供億能不整旅搖旂鈴丞相仍服儒者服綸巾羽扇升輕軫
遂于五月渡瀘水黃茅瘴雨瀾滂嶺初時羣蠻尙鴛鴦紛紛
屯聚秋田螟狼獾烏許率異類犛狔狔獍借獠狔吞蛇啖蚺
齒牙黑跨犀騎象容顏頰深林密箐竄伏易往來跳躑追飛
挺篋斲削竹染毒草鎖鐵藤刃磨霜剛設奇制勝賴丞相鞭
挾六甲驅六丁從來王佐有神授此術出自陰符經豪渠指
顧就東縛麋奔鹿駭狼顛腹擒之縱之如是七輪誠歸命無
稽停羣蠻擊踞獻方物背負銅鼓行伶俚俚比之千鐘製短縮
方之于磬音宿洽華人其詫目未睹非錡非鐸非叮噹鈺也
出晉

項

古

鈞

此

雷
飾

語粵稽史冊始東漢伏波銘寫神駒形西南諸巨最寶此戰
伐祭祀爭撞釘當其冶銅鑄初就設食召客烹禽猩鉤藤之

酒滿缸貯男女雜選羣撩拾頂珠圓碾海贏設頭髻亂插山

雞翎黃銀白金釵股重持以扣鼓傾鬢聽留遺主人不將去

頃刻攜拾盈鬻斷管也樹陰恣飲各半醉呶哇款猥歌吟吟筒

拍長腰響鞞鞞蒹蘆短頸吹瓏玲筒拍鼓蒹蘆笙皆
蠻人樂器蒹音泊其聲悉

赴此鼓節一耐累日何曾醒自從羅拜獻大漢牛車牽載辭

叩叮丞相製作極天巧行軍甌金博新型坎離水火一以濟

不用炊煮師飽餽埋藏往往鬼呵護此鼓獨立千餘齡何時

流傳入南粵輦致幕府青熒熒中丞於今文武特碧幢紅籥

臨丹冥勞心填撫已四載至誠直可通圓窆七十二風應候

至三十六雨隨時零生黎寫政胥向化馬人蟹戶從使令乃

梅里詩輯 卷十八

七

於暇時出此鼓八扇盡拓紅窗櫺紫梨四旁斲作架碧絲九

股接爲經高齋搥擊韻呖豁亭午日射光隴吟摩挲兩手拊

其質良久絕不聞銅腥我聞古器厚者厲似此堅薄難摹側

厥高四尺徑三尺一一穿剝蝸蜿蜒天然盡作臘茶色色分

子午殊娉嫵其餘諸色咸遜此砂斑翠綠苔花青鼓心如日

圓且滑炎焰四散輪斲艷蠻書誕怪了難讀筆墨茫昧徒留

銘雲雷泉紋逐層繞大小碎乳排萍星又聞赫連昔曾鑄塗

金石以蚩廉醜歐陽頌亦屢貢獻紹興秘閣誰其聆未若此

鼓號諸葛湯盤孔鼎同流馨器卽不佳人可重何況神采飛

燼燼作詩渾忘氣力弱三錢軟筆揮蚬蛤

登石鐘山

兩腳一月不蹋地好山過眼青嶰嶰如飢見食不得食涎流

口角心徒饒篷窗終日但兀坐憂來意氣真同蘄

用皮囊美語

四

更起碇拽檣索快風飽送雙高帆篙工柁師互歌笑蒼鷹脫
鞵馬脫銜算程頃刻已百里遙望湖口波黯黯石鐘山忽落
吾手先登不用僮扶攬大石航航踞猛虎小石帖帖眠神臧
縈紆一徑盡犖確但有枳棘圍枯櫂女牆攔山去八九止留
一笠高峴崑郭中人家占佳處往往屋後多松杉茲山得名
在音響何必更論壑與巖邇來世人好箏笛一聆古奏翻譏
讒后夔伶倫不復作有耳焉得聞韶咸急呼小艇款山脚
若鬼刻神雕劇噲屹鞞鞞亦何有昔賢毋乃欺愚凡不知我
來值冬仲雨雪早已飛廉囊江水落槽湖水縮安得駭浪衝
空嵌蒲萄綠漲理歸楫大樂豈肯終藏緘會須磨厓紀歲月
江波永作青瑤函

梅里詩輯

卷十八

八

次韻答蘅圃

遠夢漁竿投柘步石城三槩打春暮一笑欣辭沒馬塵歸向
烟波伴鷗鷺長腰江米炊紅蓮大袖田衫裁白布易野直追
羲炎民酸寒戲學鳥可句有時下帖招溪朋細君除釵付酒
庫弄水競采芙蓉花結巢同醉海棠樹大戶分曹鬪酒兵小
蠻隨地攜果具分湖團柳恣還往細雨斜風何足懼馬板紫
蟹壯可釣桃莊黃雀肥堪捕上鄉水田足收割準擬開筵落
場圃仙郎吟屐何時歸好傍梅花溪上駐結鄰莫忘往時約
避俗要當如脫兔我行到處有杜鵑夢魂不踏天涯路

寶應

八寶湖中水聲同萬馬奔浪高城岌岌堤滑雨昏昏人以魚
爲飯家惟菽作門十年昏墊苦有口向誰論

抵舍

兩歇黃梅後涼生五月天歸人同夏至明月到家圓子職供
多闕鄰通約又愆一囊如紙薄何事客經年

樓桑謁劉先主廟二十韻

糸出中山舊名從下密通艱難權席履濬哲自兒童身手由
來好聲聞豈不聰樓桑枝挺拔羽葆舍西東果應中興兆徐
看大業崇平原迴客刺新野脫途窮結紹非長策依劉亦小
忠幸逃繻葛矢翻射越人弓謀主來麾下眞王拜漢中緯書
符曜度炎運復昭融吳魏三分並關張一氣同惟因收國士
足以壓羣雄顧命雖傳蜀遺孤詎放桐關山徒設險歷數乃
先終墓閉黃腸遠魂歸玉座空虛檐藏凍雀壤壁響陰蟲只
有樹黃落會無花白紅邨巫懸社鼓鬼馬戀神叢正統存良
梅里詩輯

卷十八

九

史編年允至公古祠丹粉在想見永安宮

西湖

水仙祠宇沒平蕪寶所山圍異給孤白塔亂堆歌舞地青山
舊繞帝王都好風昨日又今日新漲外湖連裏湖安得六橋
重插柳飛花徧撲酒家壚

過演溪書屋

碁閣經窗倚亂坡春風隨意發高歌舍前舍後梅花放閒往
閒來酒伴多古樣寬衫裁白鬪新方小釀瀉紅螺日長無事
須尋句第一先防熱客過

初秋風雨兼旬南亭再過草堂賦此志喜

往來盡放形骸外爾我原非勢利交把槩細攤淩葉路持杯
同醉海棠巢集荒涼病橘千頭種跌宕新詞十手鈔籬角泥深

無客過愛聽風雨響檐梢

清溪訪南亭

花深疑是避秦村
映竹臨溪見笑痕
破屋數間堪送老
晴山九點正當門
秫田未買巾無酒
菜圃初治芥有孫
歸去南湖欣其載
船頭落月已如盆

送客子歸平湖

悵斷家山未得歸
深秋作客計全非
霜楓落後烏淩老
秔稻熟時黃雀肥
小榼三升傾別酒
新絲一稱補征衣
輕鞭短鐙輪君決
冷夢空尋舊釣磯

德尹表叔借崙木過宿古藤書屋次韻奉答

憔悴京華又隔年
舊冬衣冷未裝緜
人來巷北明燈裏
夢遶溪南老屋邊
秋晚分扶問收秔稻
熟夜涼貪伴鷺鷥眠
何時

梅里詩輯

卷十八

十

得遂比鄰約
同上斜塘放鴨船

對雨遣懷和韻

溪南茅屋掩荒苔
有夢恒從熱處回
經歲故園無信到
一箬新鴈送愁來
驅寒夜進蕉三葉
壓藥晨傾粥半盃
天末多情惟措措
似憐憔悴爲頻開

晚秋雜感

晚來仙鼠撲虛簷
香噴戩金嚙鎖蟾
冬冷驅寒須紫桂
夜涼遮霧下黃簾
依茶經次看魚眼
鈔藥方多禿兔尖
恨殺年華如逝水
頷間已白數莖鬣

登康山

五三六點社公雨
二十四橋商女樓
我上康山高處望
鱗鱗網已發瓜州

宿橫塘

淒斷更樓末尾聲烏篷七尺太愁生橫塘一夜風吹雨鄉夢
如何作去聲得成

春申墓

江雨江風暗愴神我來江上弔春申三千食客皆珠履國士
故應無一人

寓昭招同西厓泛舟湖上

山光水色等常好看月到月明景愈奇瑪瑙坡前波浪闊水精
丸湧碧琉璃

數錢不用瀝春灰脫殼鵝兒瀉臘醅犯卯未醒人正勸楊梅

如雪隔江來白楊梅產蕭然山

小園散步

梅里詩輯

卷十八

十一

閒拖竹杖到南坨雨後新涼透薄紗莫怪小園秋太澹牽牛

新引一籬花

李潮偕

潮偕字元汎號觀權徵士良年子國子監生有觀權

伴鶴等集

詩話秋鍾徵士與竹坨太史齊名人稱朱李觀權與
太史子笛漁並能承其家學兩先生又與史先震錢
是式張費源徐燿然李陳常李成大為漁社八子並
有文名

落葉詩次查德尹韻

衝寒出柴荆十步每九卻朔氣苦相攻始覺陽和弱微霜早
滿林枝葉猶索莫商飈一朝卷如鴟散林薄良非金石固萬
樹同茲虐時至固自然無為忽搖落

藜杖恣所請尋幽不辭曠秋山響茅屋彳亍逢樵人身行萬

葉中展齒無纖塵絕勝暮春候落紅吹四鄰田家不解事埽
拾爲朝薪

始榮而終落卽景自研考物理有如此因之感懷抱乘時每
怱怱過眼疾於埽人情愛春芳我獨惜秋槁蒼然一老松歲
寒苦相保

枕上聽雨作

霎霎鳴窗紙春寒又一番夢迴初爇燭酒醒倦開軒圃想添
新碧池應漲舊痕明朝花事好攜屐早窺園

城陽秋夕夢與眉淵賦詩剝舫醒足成之

寒燈孤枕後夜氣益蕭森好友思無偶秋花夢與尋月沈河
漢淡露溼草蟲吟

此二句夢中所得

緣綺塵應滿寧知大雅音

朱藤

梅里詩輯

卷十八

七

纖條蟠詰曲未肯傍蒿萊高樹能相借看他百尺開

王孺人輓章爲卯君

蕙蘭摧折月朦朧想見神傷不語中盼到方茵轉嗚咽可能

一字上屏風

用微之詩意

林之枚

之枚字木文號松亭又號錦石山樵國子監生有瀧

江集

詩話松亭父逸莘里中老塾師也能爲古文所著有
鈍齋集松亭少有才名周簪谷遺以書戒其恃才自
足詞甚切直所刻合組集八卷皆聯偶之文瀧江集
七卷古今體詩悉備有孫名喬字筠蒼號誠齋遷居
郡城北郭服賈航吟卒無子松亭遂不祀

春夜豔歌效庾開府

烟花明玉樹燈火落春星微月珠樓皎疎雲水殿青深闥愛

圖畫含笑對金屏

南湖夜泊時有維揚之行

皎皎山上月流光揚清江白練浮曲渚素輝滿花艫微波蕩
柔櫓涼風吹綺窗楊柳自夾岸鴛鴦各爲雙人生重遠別寧
不戀舊邦嘗懷萬里志關河未肯降

立秋日晚望

涼颺送殘暑零雨迎新秋獨處忽岑寂攬衣升高邛斜暉相
鼓盪暮雲自虛浮吹笛來浦口唳烏滿城頭極目長天未風
吹林塘幽隱隱山上樹依依江岸舟景物淨如畫時光逝難
留草木將搖落關河復阻修九辨懷宋玉悲哉誠有由

吳宮篇

吳王宮闕三十六歌樓舞榭相間複瑤臺處處與天通寶閣
梅里詩輯 卷十八 三

層層橫地軸浣紗女子入宮來朝朝暮暮姑蘇臺朝拳羅袂
珠簾出暮採荷花玉沼回芙蓉洞口送香風桂楫蘭橈度碧
空綠水飄搖舞鶴市明燈輝煥館娃宮館娃宮深更漏長紛
紛絲竹催華觴美人含笑當筵舞君王沈醉樂未央豈知盛
衰如反覆三江五湖空夜哭伍相祠前烏雀飛專諸墓上狐
狸逐轉眼徒憐事已徂梧宮衰草夜唳烏舊時宮闕今安在
惟見荒臺片月孤

長歌行贈鹿牀居士

空江五月雨漫漫蒼烟白霧封禪關策杖相尋高士宅採奇
乃至青芝山青芝山色翠嵐重鹿牀居士巢雲松耕鑿不因
時俗變衣冠頗有古人風陰崖石室舒懷抱枕石漱流情自
好簾外雲生幾度看庭前花落何曾掃葛巾野服思悠悠佳

趣欣同支遁遊求羊但許來三徑輒覺常羞揖五侯侯門彈
鉞久蕭瑟竹裏歌聲出金石短短蓬蒿仲蔚居青青楊柳陶
潛宅披雲拂石臥烟霞門外時停長者車客至嘗傾彭澤酒
貧來每種邵平瓜謝公本是烏衣客偶向東山聊寄跡羨君
邛壑自留連愧我風塵久行役行役猶然未著鞭青谿白石
且盤旋蚤晚山中叢桂發挂帆須放五湖船

渡漳水

驅車鄴都城問渡漳河水漳水東流不復回行人南指初經
此憶昔才名盛建安高臺銅雀俯河干文章詞賦爭光燄七
子風流並者難誰知一曲西陵變舞罷歌殘紛淒怨無復珠
襦玉匣存荒臺古瓦俱成硯惟有漳河日夕流二千餘載幾
荒邱扣舷擁櫂低徊處搔首狂歌且放愁

梅里詩輯

卷十八

十四

送友之白下

木葉下亭臯丹楓映客舫片帆吹不住飛出大江濤暮雨迷
津樹秋花對濁醪授衣宜九月誰復贈綈袍

月

離離三五月飛出廣寒宮聞有銀蟾影中連桂樹叢纖阿明
上下天漢列虛空誰與驂鸞去迢迢若木東

白鷺洲

白鷺飛何處菰蘆一片留激滯分二水迴渚湧孤舟沙鶴翔
霜練江豚拜石尤不知新月影又逐暮湖

登湖口縣石鐘山

清濁波如劃江湖派不淆地形襟帶繞天限楚吳交口間
防虎潮頭指射蛟平陳經百戰彷彿見雲旂

夕烟三楚樹晴渚九江帆更說分風異迴看落日銜茲遊在
圖畫乍煖試春衫天際真人想披襟總不凡

春夜少宰杜夫子招同樵李諸公宴集燕邸恭賦二十
韻兼呈奉別

春岸尋章曲茅堂問少陵軟紅塵不到深翠氣常凝芳徑初
萌草晴河乍泮冰花含瑤砌媚松映碧潭澄翰墨招同調粉
榆喜舊朋得諧聲似郢相挹酒如灑枝亞疎斜樹光盈燦爛
銜瑛盤留楚橘斑管灑吳綾禮許從容減情因興會增新詞
咸藻麗妍唱漫鈔謄時讀諸公元宵集字詩投轄賓猶集如弦月漸升
簾從風定捲欄偶醉餘凭吟久頻叉手談真總服膺世情容
鑿柄吾道握鉤繩桑梓心長切問關思不勝十年渾汎梗萬
里又擔簦薊馬嘶風策湘帆溯浪乘自今違雪霰那畏涉炎
梅里詩輯卷十八

主

蒸南去聞嘯鷗東歸想季鷹他時遙憶處雁使託箋綰
金陵懷古

激灩秦淮片月孤慣浮雙艇莫愁湖芙蓉小隊妝明媚王謝
流風巷有無雪後拂鞭朝飲馬霜辰傳柝夜嘯烏南朝樂府
皆宮體莫起繁音託捲蘆

大庾嶺

橫浦朝登嶺雒州晚放船故鄉今漸遠歸計是何年

題雲棲山石壁

筍輿芒屨入雲棲涉澗攀崖路不迨枕上泉聲聽未盡月明
已落萬峯西

浦越喬

越喬字副工一字敷功號樗岡國子監生四明人自

魏塘移居梅里有嗽發稿

詩話樽罍精貫經學尤深于易禮二書貫穿諸史所刻古文曰聊宣稿其詩六卷凡五百有餘篇而次韻居十之七其沒也賦辭世辭友詩惺然不亂若解脫老僧可謂有養子履亨字視旋所著有厚德集卷帙甚富

君子行

貧莫入富人室賤莫叩貴者扉北里崔魏酒美肉肥南鄰茅茨日午無炊南鄰可晤語終日無嫌疑

偶不茹葷與庖人索腐不得戲賦

生長菰蒲中嗜好頗鉏鎗枵腹撐腸無勞佐鶩鴈或拔墻根蔥或剝塘畔亂或堆盤蹲鴟或繞案芥芻田蔬與水菹咄嗟每立辦外此何嘉饕黎祁乃不問其味造平淡而無腐腸患所以天壤間晨夕饜飮慣底事今難求過於覓芻豢豈以梅里詩輯

卷十八

六

沅江舟行

童山歷黔盡入楚俱青青一帆夾競秀山媚繁英暗霧豁朝旭霽霞送暮暝衆美曠心目顧盼無時寧

和阮步兵詠懷

蠅聲聒人耳蚓竅亦有音舉世尙耳食文運將陸沈正始不復問靡靡奏哇淫黃茅與白葦彌望蒙茸林大雅竟誰屬慘淡懷古心

子房何啻莽博浪空震驚迹跡脫大索身命幾危傾深沈聖賢學未能窺戶庭邂逅圮橋上指點銷浮情斂戢願知止無意求飛鳴功成讐已復赤松敘平生

相如容梁苑乃因詞賦雄忽焉倦遊歸聲名曾未隆文君亦
奇婦愛才琴心融當鑑與滌器處之兩冲冲及其膺使節誥
諭巴蜀戎前驅負弩矢婦翁仰尊崇幡然初念變怒始以歡
終勢位安可忽千古此漢風

人情競馳騫往往非分干故交一顯達誰能無片言文叔旣
王食子陵甘一簞隱身釣大澤羊裘殊耐寒願招相助理天
子枉高軒巢由當聖世何曾授堯餐高風配千載永言發浩
歎

栽花莫栽槿朝華不終榮砥礪縱欺世價終非連城藤蘿纍
喬木失附顛所生榲楠獨挺出窮谷藏其名千雲百尺上千
載無危傾轉瞬看榮悴堅脆何殊形

汴梁

梅里詩輯 卷十八

七

中國地形三大幹中幹起伏來西傾終南二華逾北邙一結
長安再洛京成臯虎牢最巖險東迤復結開封城青龍箕碭
虎嵩少朱梁趙宋王畿營中州佳麗此爲甲大堤之上多雕
蕘茶寮酒肆何纍纍日夕嗚咽吹竽笙軟表快馬競馳逐肥
肉大酒相逢迎夷門共多魏公子博浪猶重張文成怪石插
天指良嶽樓船跋浪說金明豈知遺跡忽湮沒繁華蕭索轉
眼更粵明之季天降罔中原豺虎紛縱橫盧循孫恩比肩立
仙芝黃巢接踵生河淮南北川東西無有一城無刀兵或屠
或降或潰走創殘餓羸誰支撐惟此汴城號墨守一攻兩攻
空倉倬洞車數百障壯士犁鋤斧鑿環城櫻垣廣五丈鑿五
尋堅猶如石無崩倚磚缶土礫堆成阜小放大放徒震驚方
擬峰擁待內潰偏從外向爭飛鳴布圍人馬成血糜形放心

駭只目瞪賢藩損祿實激勸吏民矢志真忠誠賊亦畏萬五
技窮什圖不敢相攻爭黃淮本從天上至乃令不由地中行
翻地掀天數十里騰鰲躍鯉奔長鯨疾風迅雷瞬息至高門
廣廈俱澄泓紅顏白髮盡魚鯨漂流珠玉沈歸甌其水一石
泥數斗刷沙淤積填邱壘祇留數堞隱見間短垣可踰焉爭
衡吁嗟荼毒何太烈一朝洗蕩無人聲天道剝復那能識千
年銅駝委棘荆耆頤父老復誰在人壽幾何俟河清爾來四
紀承平久增俾葺治招蚩氓屋上架屋漸安堵人家往往空
中擊忽逢罇漏失雙腳俯視猶見窗與楹或尋門戶排闥入
倉箱粟朽衣腐籬典籍沈埋知凡幾廢銅壞鐵還錚錚竭來
屢市康莊道比比陳肆求餘贏我儕流浪客何好搜奇選勝
常經硜豈有千古侯王地廢池喬木無知名土人爲余道萬
梅里詩輯 卷十八

七

一畝歟累日心怍怍

碧曉書院歌

卽揚升庵先生祠

憶昔世廟議大禮一時聚訟何紛拏先生學術有原本立朝
義不同好表倡率諸人撼左順激切震動羣悲嗟或杖或死
或遷謫直臣棄置等泥沙朝班一空公最遠博南金齒天之
涯殊方萬里人罕至縱情獨往窮幽遐滇南秋冬無禿木迤
西處處富奇葩優曇旃檀那可數韻樓獨擅白山茶先生每
至大里
萬感通寺寫韻樓樓前
白山茶爲滇中獨步籃輿蠟屐恣遊歷愛聽鼓吹兩部蛙
夔童在侑妓隨後先生繡服髻兩了清歌妙舞醉醞醖白綾
妓背飛龍蛇或來金碧訪仙侶亦向蒼鷺尋耆閣雲窩烟竇
留題遍文不點竄詩八义七十餘年儘排募求書索句紛如
麻餘生流浪何足惜冀君一悟無疵瑕噫吁明堂秋饗定此

身安得乘歸槎溟人懷公建祠屋背山面水籠雲霞是昔誅
茅著書處載酒問字來侯芭亂離頹敗委荆棘芟蕪剔穢重
梳爬鳩工庀材復舊貌烟籠棟霧新窗紗插花滿頭彷彿見
春風楊柳秋蒹葭嗟彼異議致隆貴至今唾罵騰齒牙何如
正氣揭天壤百世俎豆人爭誇碧山之麓昆池畔魂招不來
歸三巴望海亭頭試憑眺天空水闊先生家

長歌贈蘇黃門用章

當陽聖神文武姿蠲租屢詔敷洪慈何天降割秦隴地水毀
火旱民凋疲繪圖上狀瀆宸聽天子宵旰如已飢亟頒左
藏遣官賑恫瘵猶軫臨軒咨三槐九棘勞清問何以區畫甦
氓蚩羣臣竦聽一臣決再拜稽首陳微私募民輸粟得拜爵
殘黎喘息堪撐支天子曰俞布中外牛車捆載長安遠翻

梅里詩輯

卷十八

九

覆貴賤在俄頃逼迫時日爭先馳盪脫權權鄙可數越資躐
級誰能知黃門蘇公憤且激朝廷名器寧如斯其中冒濫難
盡悉一一大端宜言之自昔五馬二千石共斯民者端惟茲
承流宣化責甚鉅白丁黃口安容爲蕪蕪盪露上封事數問
麗譙夜何其其言愷切意懇摯捧章拜手前彤墀朝端震動
溫綸責仕塗猥雜言者誰賴此慷慨別流品品隲清濁如
卿辭捷如轉圜眞盛事在朝在野羣懽怡方今膠庠盛絃誦
薪樵械樸同周詩或長文采或經濟致身王國多敷施英奇
侷儻取不竭安用市井狡獪兒須將若曹稍澄汰誦讀差足
張鬚眉得公一言振國體主聖臣直千秋垂

嘗新茶次歐陽公韻

朔方缺事不產茗消渴爭重南方茶蒙頂獸目劔川貴霍山

黃茅江北誇仙掌窟泉甘似乳斬門團黃珍同蛇火煎火後
穿雲摘高凌岡阜卑谿訝浙閩陽羨製最精上者爲芽次者
芽官取絕品獻天子未屆穀雨馳京華飛騎不敢遲唇刻
不避風雨途汗宸賈客爭先操奇贏往往購致紛如麻我亦
好事喜鬪新急命烹泉爐烟斜活水煎兮慢火炙開緘嫩色
鮮可嘉瀉入甕甌翠濤起清芬滿室香無涯終朝持椀不釋
手謂能清神眼不花龍團鳳餅日碾去恍如月遇饒蝦臺世
人強半嗜醇酎不識此味良堪嗟自昔雅人有雅好茶經茶
譜非多哇

送張博山之平遙兼寄盛鶴江

風流最愛張思曼零落猶存盛孝章冀北雙雙新絕唱江南
舉舉舊成行我慙管邴稱龍尾爾必泉阿合劍鋌便欲低頭
梅里詩輯

卷十八

子

西向拜春風第一斷人腸

次韻訓李子驥

漂泊慙非舊釣磯東籬徧爾占清輝菊花應笑吾來晚行子
欣隨秋並歸溘逝知交那可數得還心事未全違苦吟尚有
當年伴問訊詩腰瘦幾圍

陳 泉

泉字秋圃昂弟

詩話先生年登耄耄吟興益豪憶幼時登先生之堂
證箋滿壁唯陸離皆其祖孫父子兄弟唱和之作
極天倫之樂事自羣鬻旣沒遺稿不可復問矣

秋日漫興

溪山風味好到此便爲家野屋臨秋水垂楊拂晚霞綠陰三
徑竹香氣一叢花何處漁歌遠鱸魚酒可賒

遊奈山過西峯草堂

拾級凌虛上雲廊幾處通短橋橫古樹修竹倚芳叢烟暝羣
峯翠花殘一澗紅未嫌歸櫂遠新月早朦朧

王

佳字元達

感懷

旅懷情慘慄況值晚秋天風露侵征袂塵沙傷客船江浮千
里月雲斷數峯烟范叔寒如此綈袍贈可憐

方登標

標字撫仁號復齋文學沁子海鹽庠生

春日書懷

小艇尋春作勝遊高峯南北望中收湖邊楊柳長條在只傷

梅里詩輯

卷十八

三

當年舊酒樓

褚言

言字書綸

登真如塔

迴塔盤回上郊原極望平萬家人北聚千里雁南征寶地仍
通市牙檣忽到城高林疎豁處縹緲見蓬瀛

過梅隱庵

雨餘青蘂麥初肥方外乘春一款扉曲徑草深塵不到閒房
花落客來稀經繙棊几爐烟細鉢洗清流樹影微揮塵不知
延坐久行吟還趁夕陽歸

楓橋夜泊

萬家燈火映重樓香靄笙歌起暮愁水落楓江殘月冷鐘聲

依舊到孤舟

馮士訥

士訥字絨三

送韓子瑩之西泠

君到西泠踏落花無邊春色鬪繁華青絲繫馬垂楊下幾脫
鶴裘醉酒家

玉扶桑和錢子湘

佳名初改價先增香滿高樓試一凭曾降集靈臺畔露花多
不用掌中承

杜 縉

縉字梯雲號紳庵尚書臻弟秀水拔貢生

閒居

梅里詩輯 卷十八

三

細草閒庭亦自妍輕衫花落解人憐風捎竹響疑歸鶴日靜
梧陰似小年近席蟲絲紫硯匣隔窗蛙粉沈殘編浩歌幽思
歸何處惆悵春原薄暮烟

杜 召

召字惠加號循南原名旭字日華宗伯臻從弟監生

考授州判

詩話循南父元淮字上木號西岡著有耄學內外編
長子鄂字右常海鹽庠生有文行循南客都門多與
屠誠齋浦樗岡兩先生唱和詩格亦微相近

秋日漫興

茅屋經秋暮檐前古木疎數行鷗似客幾字雁成書山遠低
平野溪澄逼太虛兼旬常懶出行待問籃輿

杜彥超

彥超字孔傳亦宗伯從弟郡庠生

輓張廉齋

重陽愁斷雨絲絲捉筆誰工薤露詞總帳香消人去杳霜林
風緊鶴歸遲籬花正好憑誰賞藤杖空存憶故持最是酒闌
燈地後雁鴻嘹唳轉淒其

朱昆田與范民章滿樗岡朱求俛蔡懶人李時夏許方
款號省齋七子林松亭年十八即與諸前輩唱酬嶺南
屈某稱其才陳秋圃以下入家從輯餘編入孫澠識

梅里詩輯

卷十八

重



梅里詩輯卷第十八終

宗伯從弟郡庠生

梅里詩輯卷第十九

里人許燦衡示編

顧仲清

仲清字咸三又字閑山號中村文學記徵孫邑庠生

例入國子監有扶青閣稿

詩話中村古詩恣肆排弄善畫人物有臨邛滌器琴操參禪等圖尤喜畫蛟極妍盡態加以題詠積至六百篇時稱顧蝴蝶孫秀虎字有堂邑諸生以畫蛟名

題許參戎魯文詩稿

吾鄉固多才作述無不有前輩垂風流遞代亦已久近司大雅柄惟有竹垞叟振起英華羣觸目皆瓊玖君本詩書裔恥與文士偶俠腸朱郭輕兵畧孫吳友控騎士不塵貫的杯在肘獻策還請纓彤廷拜稽首授節任邊陲金湯半壁守年少

梅里詩輯卷十九

一

著恢奇誰能測抱負沉復工篇章洪鐘壓瓦缶摘藻匪纖穠吐音若雷吼兼長世所希儕輩欲驚走下馬露布才上馬殺賊手

讀劉誠意集

吾觀劉青田登元進士第縣佐及椽史割雞思一試所畫多掣肘不能展厥志一逢景運開得君驅逐際帷幄參神謀指揮了天地籌畧既驚人文章亦震世虞夏商周來主臣魚水契伊呂及子房出處真一致惟有諸葛侯同才不同勢然而千載間易地堪位置當其隆中吟及向西湖遊亦與庸眾俱棲息了不異乃知豪傑士胸懷別有寄自命誠不凡變化依時至

贏驕五十韻

少長在江干鞍馬未曾學肩輿固穩稱泛舟復安樂往歲北
入都買羸驅薄薄舞組舞雖未能馳驟頗綽約但苦風霜侵兼
畏塵土薄曰歸因我友邀往龍舒幕爲我營羸車意謂堪盤
礴叱馭甫就途吁駭猝驚愕突如箕簸米驟如風搖鐸徐如
龜蹯跚忙如蟹郭索譬蝸負舍行動止猶自作譬蠶繭中藏
外忽誰挈攫匪風懼偈慄平地疑巉嵬直憑蜺弄丸不顧雞
伏穀軒輕無定準欹側難捉摸危坐焉所依偃臥安能著臥
蹶前頓忽後卻壺公困一壺地軸憂揮擢巢公踞一巢木末
愁搖落驚禽罹數罟窮獸窘空橐露筍搖且脫索絢不能縛
篋第薄篔篋遮輕觸儼錐鑿雨雪漬淋漓徒費側理拓彌縫不
待乾霰粒入如霰豈惟書籍溼兼之溼行襪把卷眼迷離吟
梅里詩輯

卷十九

二

詩調舛錯聽遠不聞聲隙風猛鼓籥迢遞經林泉窈窕巖
壑坐井旣少窺過眼但約畧周道本坦迤大地亦寥廓與衆
同風塵而獨苦騰蹕乃知行路難豈特風波惡我僕潛告余
物力有純駁僱騎須東產調習少足躩茲實山西羸性劣力
且弱車制又苦窳拙工惰樸斲當其初經營已是少斟酌試
看他人車鸞聲和雅樂後至忽已前馳驅何綽綽今亦焉所
咎勉強耐羈束凡事無如何習久當不覺猶勝徒策蹇劈面
風沙撲予聞此言已屏息學屈蠖注想枯壁禪絕念危枝雀
終竟苦狼狽百骸受窘虐行行至坦途晚霽豁冥漠下車跨
單騎揮鞭騁霍霍穩若乘輕舟勁風飽篷腳

官兵糴

戊辰夏六月兵變駭楚疆 天子命將出整旅趨蘄黃師行

所過邑比戶多憂惶居民皆竄迹市肆留空房開市民苦兵
騷動安能止閉市兵苦飢何處求芻米飢兵捉胥徒鞭笞愁
欲死縣官出分解詬詈隨之耳賢哉舒城令初仕來舒城其
才非百里遇事曾不驚先戒守城卒開門入官兵汝曹飢欲
食何用搜窮民縣官自有米官兵自有錢有錢持易米交易
何所嫌縣官坐堂上官兵羅堂前出米及芻豆估價且勿譖
問米何由來問豆何所致驛積及倉儲隔夜先取備兵既各
持糧官亦起策騎驅兵速出城毋得更生事客從鄰邑來亦
言官兵過縣官派民錢民懼思逃播縣官旣憤民縱兵攫百
貨窮民觸兵威拘掠肌膚破客至自鄰邑亦言官兵來縣官
派民錢供應如風雷奸胥大飽腹兵去民告哀告哀官不理
訟之中丞臺作吏須能事愛民由本心如何民父母而令仇
梅里詩輯

卷十九

三

忽尋請看舒城令賣米安兵民歌以紀其事永爲長吏陳

捉船檄

官兵將入楚漸次龍舒地渡水須捉船羽檄連翩至貪尉及
奸胥私喜得遂志捉船且放船操縱惟所利請官速發票軍
務毋濡滯傳聞鄰邑間紛若趨羶蟻卓哉舒城令奉檄不一
視心知水路少汝曹敢妄覲且俟官兵來鄰邑船倘備協餉
行借船竟渡亦省事而況入楚路陸行爲徑遂出兵貴神速
何乃紆水次詰旦將軍來縣官陳次第將軍重服膺陸路驅
長轡官兵去已久郡檄復疊致督令放民船母使民久累縣
間無一答郡檄詞加恚豈不云愛民無乃同夢寐郡縣百里
間水陸之所自幅幘誰所司而曾不經意連日城南村沙頭

柳陰翠但見諸船家停船柳陰睡

周當谷輓詩

吾鄉老詩人風尚敦古朴弱齡棲市廛躑躅狎屠博稍長能
立志不肯齊溷濁恥與雞鶩爭欲作出羣鶴居恒謂人言人
苦不知學生爲木強人死若風飄擇努力事詩書宮徵鏗咀
嚼隻字窮來原音義必求確文筆日以充市肆仍估權耳聽
並口遣一編手長握仰首旋呬唔有觀任嘲謔其才實兼人
其神漸淡漠亦率意積唐亦欽歛歷落坐致商賈疎生計日
落魄從此志加勵貧益重然諾與人能緩急意氣傾山嶽相
期澹蕩侶清言塵尾捉或晨夕過從操觚爭擠掬或越陌度
阡唱和其飲釀或林泉獨往歌聲振廖廓江南千里內聞聲
如起鵲但遇風雅倫如獵趣相較間逢緇羽流學步請矩彙
資稟堪扶進鍼砭爲發藥所至授生徒時復傳閨閣平生所

梅里詩輯

卷十九

四

賦詩克篋更盈橐漢魏逮三唐體製悉捫摸一歸正始音堂
皇奏雅樂晚復入兩宋老筆謝錐鑿美人及遲莫不復矜梳
掠填詞推宋代此道久磽确翁復究厥體上下窮考索哀然
詞緯成梨棗惜未削余生年旣晚詩賦好揮擢蠻語雜鬼怪
俗眼紛詆薄翁獨謬見賞傾懷指純駁訝予腹笥儉而能徒
手搏比予若渴驥譽予若干鑊謂予當騰霄歎予無媒始酒
酣耳熱餘往往拔劍斫憶在壬戌春六十懸弧朔翰林朱夫
子南國持衡僞假途歸里間造廬酌康爵約翁上長安欲使
交游擴翁意殊不然曰但宜邱壑昔者志湖海渺視鯨與鯢
今者安枋榆甘逐蝸與鷺太僕有色公書幣走相約問關上
長安文史同商榷新知及故交歡聚併棣萼令弟林於先在都門三度
致予書趣予騎早躍勛予廣聲名及時試鋒鏑丙寅予入都

相聚古藤幄對酒作鯨飲何曾拒杯勺猶能燈下書細若蚊
蠶腳日行數十里安步仍芒屨遍訪窮詩人相與共盤礴隨
力傾囊中升水活鮒涸片長必噓之終令免漂泊其志同廣
廈欲大庇藜藿公卿求識面掉頭足屢卻觴咏或偶同終亦
少酬酢雖復與世游渾若未剖璞豈惟藐富貴萬象皆糟粕
太息每告予閱世久方覺屈指平生交厯厯初終各惟有竹
垞翁相視尙如昨少時重聲氣今視等蝸角吾當歸去來猶
堪把鉏鑿直是能置囂夫豈不綽綽賦別留長篇意致亦磊
落落古調填新詞十和淵明作錢塘壘主事交誼古人若營葬
歸浙湄舟載膳卿柳決計從之行長途免寂寞惟時羣賢集
祖餞長安郭高秋一分手冬予赴舒幕俄傳惡耗來如夢聞
驚柝曰翁至長淮神氣稍頹弱直欲返其真非由二豎虐遺
梅里詩輯 卷十九 五

文付好友忽若蟬委殼友曰於我殯高誼雲霄薄旅魂一以
慰得返首耶貉今春余歸來野塘度畧約日暮款柴扉蓬蒿
塞籬簿登堂閔無人拜地淚潛漉猶憶出都時訂予詞謬謬
約予共討論期不古人作其志在千秋其氣尙騰蹕嗚呼今
如何春風徒緬邈

詩話長篇一瀉千里水到渠成千此事煞有工夫未
易幾也原本一千三百字未免貪多不能割愛妄爲
節去四百字觀者辨之

蔡玉賓琴歌

吳絲蜀桐含宮商千年焦尾君家藏獨參元理坐一室凝神
沉思韻未揚鏗鏘徐作杳渺音輕雲出岫初無心悠游飄灑
散珠霞浙瀝淙琤敲潤水幽閒貞靜見淑女恍聞天際真人
語穆然自得天地心高山流水來腕底南園蝴蝶宿花醒北

海鷗鵬乘霧起廣陵散去誰復彈叔夜來聽魂不死一人知音已不恨世盡知音亦不喜高山何在水何之罷彈試想無音時

春花曲

花熠熠迎朝暎微風來吹香魂粉光暈胭脂痕如詩欲舞難具論美人立神偃塞下階折花法蒼蘚欲折不折手慵展首如飛蓬誰爲容惆悵對花花亦泣花亦泣春風嗚花片落成香泥春光淺情欲迷願爲花片流春溪隨流暗渡溪橋西

短歌贈李分虎移居

溪南冷寂涵荒色頽垣矮屋蓬蒿人好鳥嚶鳴溪北來搏空威羽低枝息高韻松風絕壑迴孤蹤豹霧深山匿羣書堆榻聊婆娑酒酣擊壺舒浩歌謫仙嘯傲才鬼訶鑿穿混沌傾天梅里詩輯卷十九

六

河雄姿伏櫪成蹉跎黃金無光奈爾何溪邊詩魂嗚不歇嗚破寒雲泣明月

竹狸

昨遊長安意不憚整鞭將適舒鳩城友人語我舒地產竹狸自昔傳其名飽餐竹萌穴土壤山林俊味從無兩我來遇竹輒朶頤到來官舍尤勤想歷春徂夏當秋天筍芽未見羅賓筵居民織簞供寢具養竹不管饒夫涎燕京之筍良難得此間有筍偏不食苦憶家園食筍時燕來直至蟬聲寂家園食筍亦尋常客遊二載不得嘗况復腊人之所掌按圖搜索應荒唐嚴冬凜冽雪滿地土人捕得雙狸至伐毛洗髓久乾之勅付中厨蜜水漬脣椒裹麪籠甌丞膏瑩膚細玉不勝炮羔炙兔那得比纖刀薄切如春冰主賓浮白圍爐聚筍急盤餐

興未住博物應從口腹誇食罷還將食經註我聞狐狸之種
繁有徒憑妖逞怪依城隅忽逢田犬殘其軀鼻之司裘當厥
辜汝形類狐性閒適竄迹叢篁作逋客似乎與世無嫌隙人
發殺機汝罹厄吁嗟乎木以不材全其形雁以不鳴且得烹
材與不材愁莊生吾亦爲汝稱不平土人捕汝又有語蔬味
如苟誰與伍人不得食汝恣取渴飲竹瀝飢啖茅戕賊此君
甚斤斧狸乎汝饒敢與太守同渭川千畝藏胸中我饒不用
笥燒肉賴汝不瘦亦不俗

自笑

自笑豈曾眞讀書年年白放青春但不耕不稼恥乞食亦趨
亦步羞稱儒計拙非云鶴可截技成安得龍來屠何如飲酒
被紩素媚樓百萬羣呼盧

梅里詩輯

卷十九

七

春草

梅未全飄柳半黃年年客裏送韶光玉堦有怨多陳迹青塚
無情對夕陽河畔餘絲思遠道窗中皎皎憶紅妝離懷似爾
生愁易一夜添來幾許長

題竝蒂茉莉

鑊玉生香劇可憐薰風移種自南天枝頭已作同心結不待
珠娘絲線穿

輕衫白苧晚風前細摘霜裈密蒂蓮疎簞生涼新浴罷並頭
應置枕函邊

落花

春色無端去已賒隨波萬點碎明霞光陰是刻皆堪惜那得

閒情賦落花

蝴蝶

水際山根映夕曛往來作隊自紛紛誰家廢塚埋荒草吹入
春風化彩裊

四月紅芳見已稀楊花如雪點漁磯滿園淨綠無人愛只有
南風蝴蝶飛

李可願

可願字子驥又字祗寄有竹坪吟稿

詩話竹坪苞溪之秀詩筆俊爽如食袁家梨

桃花塢

二月好春色信步桃花塢正直流水窮仙犬吠南浦漁人無
復來落紅自今古

反彈劍

梅里詩輯

卷十九

八

自昔耽偕隱安居興頗佳一椽稅風月半畝就桑麻遠徑先
栽竹臨流便放艇山顛與水曲不歎客無家

題刺舫

真有浮家想篷窗愛枕河伊人縹渺外數武卽烟波席對鷗
朋設門通魚婢過漁竿正堪把歸隱意如何

秋日漫興

秋色照人處差爲蒲柳容在家翻似客閣筆不如農俗與雲
俱薄愁憐山更重時宜易合耳直爲此情慵

構李懷古

越王城郭晚楓青今古嘯鴉不暫停西子復歸無史筆披仙
已去但茶經老僧猶住唐人第遊女羞看漢墓銘仰仰吳根
幾時換鴛鴦無恙臥沙汀

金粟夜泊

青春古寺臨斜暉松柏再來俱成圍客子看雲正不厭老僧
出樵尙未歸山杯醉說尤字偈塔火夜照篷窗輝燕月上厓
莫辭倦曉鐘一發扁舟遠

李毓新

毓新字喬之號雲岑崇正丁丑進士官廣東潮州府
理刑擢兵科給事中乙酉殉難康熙四十七年題

允崇祀鄉賢乾隆四十年 賜謚節愍加祭一壇

褚曾按公理潮值歲早禱雨有二龍見通濟橋大水
驟至公登岸拜祝龍逝水退潮多盛魁為妖火公爲
文禱之火悉滅潮人比之昌黎祭鯉至今稱神焉

野望

頻歲兵戈擾路衢中原何處不荒蕪海門日落埋魚子梧省

梅里詩輯

卷十九

九

巢傾泣鳳雛古巷無家迷舊犬戰場有肉飽飢烏裹屍馬革
男兒事敢負朝廷惜此軀

吳陸雲

陸雲字懷遠一字瀛山號補軒康熙 武舉人

詩話補軒湖海之士豪氣未除

高郵道中

十月淮南木葉霜郵亭長短馬元黃江臯早穫桃花米澤國
秋拳杜若香三上已懷投筆志一囊多負鬪雞場問關莫道
歸來晚幾日籤程到射堂

我醉堂賦別

頻年南北走長途里社輕違舊酒徒誰道只今重作別片帆
明發又江湖

沈良詒

良詒字孫謀一字可權庠生有玉樹堂集

詩話朱求俟贈可權詩云愛好詩詞近晚唐風流重入少年場閒來自喜清新句甲乙初編上錦囊詩筆新穎風調畧與蔡朱相似

晚過山子叔東園

小閣虛檐做清談到日斜入林移枕簟消渴餉茶瓜地僻喧
蟲語池涼泛藕花詩成還索醉薄暮未回家

隔戶松蘿翠當軒秋月圓清游同此夕高隱是何年側帽分
燈語停杯下榻眠青山元好在猿雀不須憐

和耕客

白社才人喜見招庭陰清晝竹蕭蕭委泥有意憐花片裊露
無心把藥苗成宿釀時傾雪枕趁新晴後步溪橋數聲唬鳩

梅里詩輯

卷十九

十

青林外未遣春愁一半消

沈登

登字則苑號蘇門康熙丁卯舉人

詩話孝廉撰職官志四十四卷頗簡核詩亦雅馴夕陽多在樹衰草不禁秋警句也有孫名颺字雲翼乾隆戊午副榜貢生亦能詩

九日雨期友不至

苔階過雨延新綠竚待泥痕印屐雙十里葦花偏隔渡半林
楓葉恰遮窗籬根嫩非餘霜圃樹杪輕帆斷雨江安得和歌
同此日菊花盈把酒盈缸

楊柳枝詞

紅粉牆邊窈窕枝一番春色燕來時東風不管離人恨撲絮
飛花向酒卮

徐行健

行健原名燿然字兼六號菘塍又號蓮西在子庠生
入國子監有蓮西詩草

詩話菘塍有物情初澤雨春事早催花之句亦佳

遊五泉寺

亂山深處入僧舍不知名古壁龍蛇動殘碑點畫平磬疎雲
外出泉遠樹中鳴到此消塵念坐看溪月明

送龔蘅圃主政之白下

柴門卻枉朝來屐剝啄聲中到使星不合時宜頭未白絕無
意見眼終青生花妙句玲瓏閣立馬斜陽長短亭此去漸知
春事早綠煙紅雨滿前汀

東畊客

梅里詩輯

卷十九

十一

煙炊矮屋煮吳羹石鼎題聯鬪墨兵埽榻人眠梅豔月判春
花醉秣陵城閒將酒譜添新註細取茶經續後評自別吾兄
今夜裏滿船風雪載離情

東歸酬別陳鷗客龔壽巖蘅圃邵柯亭李畊客

小白鶯紅花事了亂山不住子規嗁柁娘吳語如相識爲送
行人到浙西

木香棚庑翻新調譜入箏絃一十三歸臥蘚牀梅雨夜夢魂
應只戀江南

錢是式

是式字其相文學枋子桐鄉縣貢生

詩話先生文思敏捷與徐兼六李補山約山諸先生
齊名詩格清和綽約在諸先生之右

擬庭中有奇樹

嘉木生幽壑含章蘊奇姿執心守歲寒霜雪常不移一朝君子顧結根近堦墀春風忽然至時雨沐華滋芬芳從風發持贈亦云宜莫言物非貴梁棟隨所施撫之再三歎匠石當無私

登吳山

吳山煙景昔年同南宋繁華想像中五日登臨三遇雨一春花柳半飄風青帘幾處人皆醉錦瑟無情調轉工指點尋巢雙燕子銜泥飛入故王宮

南村晚眺

小村地僻堪乘興靜掩茅齋任所之白稻花香新雨後黃蘆葉響夕陽時一聲短笛橫溪遠幾處長橋歸路遲滿眼蕭森秋色裏令人長憶少陵詩

梅里詩輯

卷十九

七

李如蘭

如蘭字佩斯號斜川嘉興縣學生

詩話文學受業藍邨與萊畦同研席吟詠最富年未三十而殞遺稿散亡

夏日園居

避暑宜園林北窗粗可住修竹覆清陰白石汲泉乳好風自南來鳴蟬在高樹科跣來幽人林下禮法恕晚食烹園蔬率意堪下箸有懷琴試彈無喧書且著常與羲皇民會心在幽處

早春雨望

著屐探春色東風二月遲花源隨水去杜曲漫催詩籬環淹蔬甲煙寒凍柳絲夜來梅欲綻先問向南枝

謁從兄雲岑公墓

兄諱毓新崇正丁丑進士司李潮州流寇鹽菜腥余
二姐作亂兄監軍屢戰平之又聞寇姜世英等犯饒
平及大浦兄勒兵大小數十戰皆捷事聞行取甲申
之變世父揚州學官諱自縊學舍兄聞之大慟
及史可法兵敗學博自縊學舍兄聞之大慟
收嘉興兄與長子禎先死之其後次子登瀛走長安
乞名公卿誌傳哀然成帙

吾家名給諫獨力矢雄圖百戰山河在千秋廟貌無捐軀悲
後死載筆慰遺孤馬鬣西風外瞻依欲向隅

李登瀛

登瀛字叔遠號學洲康熙貢生官四川梓潼縣知縣
緒曾按先生爲節愍公少子節愍殉難時先生纔九
齡賴母氏教養成立通今古善文章補諸生後遂遊
公卿間爲貢米計留心經濟工于奏疏督撫爭相延
致大司馬靳公輔爲河臣資以畫諾是時河奪淮泗
故道先生議開中河以避二百里洪濤之險槽艘民
船至今賴之靳公爲治河名臣凡所措施皆先生導
之也梓潼自獻賊蹂躪之後井邑蕭條先生至招集
流亡繕城垣修學校勸開墾招商買不數年遂成富

梅里詩輯

卷十九

三

庶訟獄文牘不以委幕士吏胥不敢欺公餘進諸生
論文講學爲歡以積勞致疾卒于官士民慟號爲建
祠立碣焉

清明卽事

山城逢冷節插柳尙千家久雨貪晴色孤筇策晚霞綠蒲侵
水短紫燕逗風斜明日東郊路應多畫鼓搗

史克泰

克泰字左銘號半農文學宣綸子邑庠生有飲綠齋

草

詩話飲綠齋詩四百首半農手書本也有沈孝廉登
張明經費源兩駢體序詩多近體五言如荒齋云竹
聲非我地樹色在鄰家七言如湖上云花向雨中爭
豔少柳當風處愛眠多納涼云薤簾有清生蛭夢火
雲無隙入松關落花云踟殘細雨橋邊路載去斜陽
渡口船皆俊朗有致

秋夜雨歎

驟雨連朝夕重簷濕氣侵殘燈昏暗壁斷夢怯孤衾敗紙風
檯吸幽蛩蕪砌吟不眠憂歲事獨抱杞人心

春殘

初經二十四番風吹落天桃滿地紅村已浴蠶人語靜巷無
游展酒帘空溪魚唼水翻輕浪籬筍抽萌露淺叢何事王孫
歸未得不堪回首夕陽中

落梅

紛紛冷豔小窗前竹徑風多散雪天殘夢五更偏好月寄情
千里又明年愁聞羌笛寒煙外心繫孤邨細雨邊零落冰姿
誰共惜招魂空賦楚些篇

梅花

數椽茅屋野人家老樹先春偏著花分折一枝銀燭畔雲屏
梅里詩輯

卷十九

古

疎影亦橫斜

納涼

繚繞青蘿遮屋山不教炎暑入柴關晚來疎雨前村過分得
新涼到此間

春杪送李蓼汀之都門

細柳參差日影斜送春兼又送仙槎愁心一片紛難解半爲
離人半落花

吳端木

端木字南屏貢生

建陽道中

閩嶠千山外仙雲九曲溪遙從石梁下卻過幔亭西渡口春
陰合峯頭落日低晚來尋宿處愁聽夜猿啼

吳天木

天木字西山給諫源起子知昭化縣終饒州府同知

有澹凝堂稿

詩話郡丞五律格老氣厚直是作家稿中有和妾詩
閨房詞唱想見風流惜妾詩不傳

京口

長江天設險浩淼入東瀛自古襟喉地仍高鐵甕城三山秋
氣迴萬里暮潮平遙聽哀笳起徒深擊楫情

大梁

西風大梁道落日此經過百戰沙場在
三秋旅雁多監門無上客屠肆有悲歌借問賢公子翩翩竟若何

虎牢

山驛過滎澤關門鎮虎牢英雄餘戰壘形勝據成臯路隘黃

梅里詩輯

卷十九

十五

河險雲橫白日高登臨貪縱自行役未辭勞

漳河

望望漳河水荒荒鄴下臺三分留霸業千古失雄才碧瓦沈
沙出香風捲雪迴總惟人不見歌吹有餘哀

少林寺

攀躋凌少室北麓問禪宮樹表三花異山推五嶽宗陰崖連
磧雪哀壑起松風落日聞清磬雲霞滿碧空

過太行

壘嶂還西北迢迢陟太行風塵逼鴈塞秋色繞羊腸燕趙分
襟帶山河入莽蒼時平忘設險漫擬作金湯

史先震

先震字卯君文學翼經子庠生有萍園畫溪等集

同李蓼汀張柯亭過靈溪精舍訪玉峯上人

門臨秋水際客到夕陽邊
野鴿常依佛山花不離禪
斷垣低見月老樹迴含煙
欲共支公語閒窗許借眠

初夏

煙柳藏漁浦莓苔侵竹扉
春歸纔幾日便覺野花稀

孔升

升字南吉號涵庄庠生有兩粵紀游

湘江道中

曲折湘江道輕舟趁晚風
村迷煙樹裏人住竹樓中
民房春水依山綠桃花隔岸紅
一聲長嘯處驚起野塘鴻

山樓獨居

法船來獨住秋入小窗涼
榻映天巖秀雲歸雪岫忙
鐘聲傳

梅里詩輯

卷十九

六

上院梵語引長廊疎雨山頭落
深林有桂香

送錢大昕計王言旋里

萬里錢唐隔嶺東
羈人惆悵送歸蓬
記曾風雨聯吟處
夢向雲山眺望中
淡蕩春光楊柳綠
紆迴江岸杏花紅
到時定有南來雁
可憶天涯白髮翁

送汪若木廣文之官桐廬

公子翩翩筮仕初
絳帷啟處是桐廬
已知山好堪攜酒
更喜官閒足著書
夜午一窗燒燐燭
花辰十里坐籃輿
詩人千古隣同調
爲訪方干有故居

張費源

源本姓費字崙緒號眉淵康熙丙子副貢生候選教

諭有學言集

詩話眉淵駢體如宋人詩雖不多亦自雅正

和硯官主人田家卽事韻

村落環山麓人家住水西斜陽連柘影香雨過茶畦市遠遲
歸棹農閒早罷犁縣官徒步至不使駭幽棲

新秋卽事和韻

客裏過殘暑歸看白髮新涼生蕉雨早響聽竹風頻促織驚
紅女寒蟬似嬾人愁心多觸忤且與酒杯親

富陽

舟自臨安發西來第一程水從胥口下潮至富陽平倚郭千
家市臨江百雉城輕帆莫留滯好趁晚風行

至鳩茲訪雪門楊叟不值

秋風送客到天漕千里虛停問字車轉喜陳蕃能下榻時陳荷一

梅里詩輯

卷十九

七

留款誰憐張儉已無家魯明江外重雲壓夢日亭邊落照斜剩

有懷人詩句在滿汀白露濕蒼葭

錢氏桃花園感舊詩

錫簫社鼓記繁華風雨河橋歲月賒故國如聞天寶事斷垣
猶剩武陵花鶯曉綠樹尋章曲燕啄香泥認謝家尚有風流
賢地主春晴莫惜泛雙槎

金介復

介復字晉民一字雋民又字奕民號心齋康熙戊子

副榜候選教諭以子泰與令祖端仕贈文林郎

詩話先生脩髯偉貌豪邁不羣學問宏通詩文具有
紀律及從朱李諸前輩遊後來之秀如稔鄉穆堂斯
拔養恬皆其弟子著述頗富未就剞劂四書提講一
種尤爲生平精力之所萃云

采蓴

采蓴采蓴水中央采茶采茶山之陽采茶山中雙足繭采蓴
一葉隨風轉阿儂采蓴不采茶湖南還采芙蓉花

又

三月四月莼抽絲七月八月滑如脂采蓴采蓴須及時及時
不采顏易老可憐棄作泥中草

王氏初泊齋作次杜工部遊何將軍山林韻
背市成幽築臨流見小橋閒身伴鷗鷺高興上雲霄遲我看
花至因君折簡招商山高太素開館足逍遙

到此門長靜迴廊境轉清花間有臥犬坐處聽曉鶯香煮彫
胡飯和調骨董羹老夫欣一飽起傍石闌行
不作輞川想爲園力可支三弓黃石塢一曲碧流池除蔓開
新徑連茵聚故知好風來細細襟向北窗披

梅里詩輯

卷十九

六

連日沈陰積今朝霽色開已看初孽柳猶有未殘梅客或攜
琴至僧緣乞畫來壬人昆仲知音律工畫閒皆長不埽屐齒破蒼苔
佳人能置酒如坐習家池我欲懷山簡風流倒接羅戀花來
鳳子聽曲出魚兒有客耽清賞常將絲竹隨

詠橋李

攢花霜滿樹繁實玉連枝別有盤根好真因得地宜此邦書
越絕彼美憶西施指點痕如捻流傳事不疑緣誇顏未醉甘
想味逾飴寒水沈誰致荒城種亦移芳華偏易歇興廢總難
知一物還堪賦千年感在茲

紅葉

處處秋聲夕照斜風高寒樹戰溪涯一般亂落如紅雨不信
飛來不是花

陳鳴鏞

鳴鏞字馭蒼

詩話馭蒼五言儻然不俗

野望

寒氣森遠郊曠望正岑寂微白漾林端知是殘雪積鳥雀靜
不喧斜日黯無色遙念山中人巖扉掩晨夕

題友人別業

結宇何必高期能蔽風雨棲隱何必深閉門卽太古所以高
尚心市居如野處階前掇露英舍北倚霜樹苔壁焦桐懸興
至時一鼓泊然謝世氛無慚老農圃

夜宿落石

遠澂燈光似有無微風何處遞笙竽潺潺一夜溪聲急寒雨

梅里詩輯

卷十九

尤

朝來戰野蒲

時 箬

箬字尚志一字東美號柘村

詩話梅里唱和之刻未及百年舉其姓氏已有莫能
知者尚志其一也考古南禪院碑列護法名有文學
時爾貞未識爲尚志何人

讀書

樊籠無高翔池籩鮮奮鬣人爲塵務羈日夕苦紛雜薄劣愧
前賢疎慵墜先業銷聲依寒廬汲舉連臥榻雞犬靜柴荆息
影抱往牒窮源貴深衷探幽非淺涉誰言古今殊賞激有眉
睫用志苟不分夢寐如或接滔滔年歲馳聊復老筐篋

鯉魚行

河水三尺強草生沒石脊鯢鰕恣行游困彼雙鯉赤豈無江

湖開萬丈往來騰躍千尋浪觸突泥沙不自由悵望青天那得上英雄失路類如斯吹簫乞食何所之吁嗟乎安得乘風一旦鼓鱗鬣使爾瞬息出沒生雲雷

城南訪友

紆折城南路扁舟訊竹林方橋春水溢遲日柳塘陰同調懷邛壑清言間古今從憐詩思好不厭數招尋

東湖夕汎

宿陰梅市雨新霽柳橋煙乍可邀漁父相將泛酒船澄波鷗自浴斷岸草還連隔水疎鐘度公河野寺邊

秋日漫興

屋老除瓜蔓籬疎補薜蘿小窗秋意足野徑晚香多巷陌敲砧杵田疇刈黍禾衰殘偏喜靜卜築在煙窩

梅里詩輯

卷十九

二十

村居

露降飄丹葉風生響素濤不知秋水闊坐覺遠峯高門寂荒苔逕年深綻溫袍客來當釀熟好得煮霜螯

屏跡

屏跡違人事逢迎愧未工青林無畏日白社有高風護笋門常改餘瓢室屢空長鏡堪託命準擬少陵同

西湖對酒作

千頃玻璃漾碧流淺沙飛鶩滿汀洲竹竿交翠水邊寺梧葉半黃巖際樓無數煙雲開夕照誰家絃管弄清秋淋漓醉墨題詩徧乘興還能理釣舟

張韶

韶字虞臣

贈王錫庚

束髮棄時好雅志慕脩辭媿無肆好風聊以自悅怡舉世豔
妓服素質甯見知閉戶斂雙翠顧影不自持一旦感君意攜
手命同車相契在情愫安計妍與媿願言矢此心千載永勿
渝

春盡

爲貧常作客春盡未還家故國重回首荒亭正落花屯雲依
樹斷堤柳趁風斜寂寞年時意悠悠空歲華

秋日過魯庵

地偏孤徑折幾曲到松門僧磬白雲鳴人家黃葉村谿晴搖
竹色石古上苔痕漫有幽棲意踟躕未易論

李允銓

梅里詩輯

卷十九

三

允銓字人鑑號曉山運使衷純孫

詩話人鑑詩輕倩有風致是其家法

早春登峴山有懷故園

久愛名山好殷康舊築存維舟殘雪岸扶屐夕陽村馴鴿投
僧飯噉鵲斷客魂春風故園隔不見柳垂門

過白雀寺

我來蕭寺探幽勝風度清香上客衣芳草綠楊如一色雛鶯
乳燕或雙飛已無白雀來松徑惟有斜陽到竹扉坐與支公
談往事碧雲深處暝鐘微

李兆鋹

兆鋹字人表號松窗允銓弟庠生有飛翠山房草

秋日漫興

寂寂衡門下依依野老居看雲遲晚坐留酌薦盤蔬詩向閒
中得交從病後疏年來生計拙敢歎食無魚

檐外山容紫籬邊菊藥黃人來三徑闌風度一溪涼埽石餘
秋蘚移牀向夕陽琴書聊取適邱壑未能忘

睡起日當午閒庭草未鋤露蟬依樹少煙柳入秋疎風急鳴
窗紙書荒走蠹魚牆頭數竿竹稱我閉門居

同周潛岳過觀瀾庵

時叩精藍訪道侶愛聽泉水水鄰鄰樹頭幽鳥語留客籬下
霜花開向人丹葉乍飄九日後短牆低見一峯鄰他年避俗
無如此莫向桃源更問津

喜宋臣北歸

晚來鵲噪聲方絕忽到蘭舟繫柳邊惜別正逢長夏日逆歸
梅里詩輯

卷十九

三

已盡小春天勝遊客路談今夕薄飲蕭齋記往年溪畔浣花
常憶汝樹頭寒月又初圓

過家斯年別業

草堂市北託幽棲暇日紆迴度碧溪春水乍添漁屋下斜陽
恰在板橋西移橙種柳增新課篆鳥書蟲換舊題鑿石精藍
清磬近宗雷夙契定招攜

登秦駐山

羣峯歷歷接滄溟望入秋光倍眼明樹色籠煙迷越鳥風颺
激水響山城琴臺石老餘蒼蘚蕭寺僧閒話晚晴未許空林
回蠟屐好看孤月候潮生

吳江道中

久旅存詩篋歸舟載酒瓢偶尋黃葉路重過赤闌橋野鴨閒

沙澗溪煙織柳條夜闌明月起短笛弄漁舸

懷人

竹西歌吹近如何丁巳春遊一權過二十四橋風雨後殘紅
落盡軟塵多

秋柳

玉笛吹殘舞態慵秋來倦葉不藏風可憐一片蕭疎色猶剩
青青落照中

李 鏞

鏞字人瞻號梅谷允銓弟

題畫

汀花渚草不聞香隔浦羣峯正鬱蒼柳外漁舟收倦網坐看

鷗鳥浴斜陽

梅里詩輯

卷十九

三

徐 斌

斌字霞章

城西卽事

畫樓斜映夕陽西楊柳吹絲一望迷蕩子不歸春又晚馬蹏
如雪踏春泥

徐燦然

燦然字叔文號遠村學博剛振子貢生

郡城卽事

下西湖牽上水槎由拳城外萬人家春風二月徐恬宅開遍
含桃樹樹花

倪 譽

譽字令章

遺興

村郊避客掩荆扉，手種垂楊已合圍。晴日春風花似雪，亂隨蝴蝶滿園飛。

戴 晟

晟字蔚園

野鶴

念爾棲無定，飛鳴任所宜。青松巢自穩，碧海去何之。不羨乘軒貴，還矜帶雪奇。相招那可致，爲謝網羅施。

張 樞

樞字荃蘅，號蓀溪，海陽人，寓梅里。

采蓮曲

吳姬盪漿向湖邊，荷風十里香滿船。纖纖戲弄船頭水，溼透梅里詩韞。

卷十九

音

羅襦不知起，褰衣連臂唱。花枝卻忘身，在芙蓉裏。

王 城

城字爾榮

送范民彰之吳門賣藥

送君祖帳客，非孤別意爭。教盡玉壺若，到穹窿應採藥。不知還遇赤松無。

戴 埴

埴字品若

詩話：品若讀書螢，之作不傷纖俗。

中秋遇雨，遂荃衡不至

嘉賓難賁止，試問夜如何。星斗藏雲漢，風霾隔澗阿。一燈虛抵月，獨飲不成歌。願續南樓興，裁箋寄影娥。

讀書螢

竹塢攤書下漏聲飛星點點入簾明難留永晝供青盼暫借
餘光照墨兵魚魯已分甯見跋丹黃何事待長檠他年秘閣
來藜火一樣清輝照五更

黃之楨

之楨字顯周

送范民彰之吳門

無端知己唱離歌蘭楫依依別思多自古金閨佳麗地莫忘
歸臥舊煙蘿

吳之鍊

之鍊字聲昭

送范民彰之吳門

梅里詩輯

卷十九

五

吹簫吳市舊風流賣藥新從韓伯休爲憶百花洲上月何人

同汎木蘭舟

周岳

岳字魯望一字天昔號愚邨

詩話宋求俟贈愚村詩云小楷鍾王錄斷編家貧不
用買書錢如君好古真成癖銅鑄詩人事浪仙幕遊
容死吟稿及手鈔書俱不知所在矣

風蘭和青士叔

深谷遙分種危檐細放花風培齊灌溉髮澤謝泥沙孤植無
依倚高垂歷歲華幽香飄滿室簾捲莫教遮

過東溪訪淵默上人

不憚衝泥郭外行爲尋開士說無生徑深芳草閒邊意樹有
新蟬定裏聲老去詩無名世想病餘心似住山清幽窗晤對

蕭然樂竹影參差几案橫

寄睢陽僧雪立乞畫

詩句從人讀已殘久知筆墨比琅玕若教畫得峨眉雪應使空齋六月寒

鄭穀

穀字全昭

詩話全昭詩見就雲軒唱和凡七篇殊有情氣

送周魯望之粵西

桂管南荒地迢迢驛路長故人重分手游子斷迴腸賴有此明月相隨入異鄉相思江上夢遮莫到君傍

顧中村原名康孫著有說莊記韻急就篇歷代畫家姓氏韻編養小錄中庸說義讀左悉數錄識字既陌與圖續史萍園盛年驅馳四方不得志歸隱莘橋與叔配靜

梅里詩鞋

卷十九

五

媛唱酬繪乞食圖以自嘲嘗扶乩得一絕句云梅花溪上舊書生怕向人前說姓名杯酒有誰澆寸土年年風雨過清明孔南吉嘗客嶺南有兩粵紀游張眉淵與同里諸子結彭西漁社聯爲行看子金奕民曾佐李制府遊麓選刻梅里詩鈔晚年與李茂斯繆受茲陳秋圃徐謙六周文曰金恒夫金孝堅繆于萬結九老會戴蔚園以下八家從輯餘併入孫編識

梅里詩輯卷第二十

里人許燦衡紫編

戴 錡

錡字坤釜號碧川監生有漁計莊集

詩話碧川老人精于易有魚計莊學易吟工爲詞竹垞太史序之稱其兼南北宋之長詩亦篤好宋人集句亦惟取宋詩

和朱西峻芥茶詩三百四十字

火織愁正中無方避午景欲入深竹林三伏聊息影夙念幾
渴死令我久延頸月波一漁師相期共鬪茗翻閱品茶經柏
巖繼梅嶺皆殿石花後莫與媿蒙頂價高無力辦願言異日
請況在千里遙癡心徒耿耿忽聞茶賈來正值空行省茶譜
有苦
節君行
省之製蒟葉裹幾重不用細絲縈旬日未開封梅溼畏泥滓

梅里詩輯 卷二十

一

茲茶與衆殊無人得要領欲知廟後佳須走吳興境勿使顧
渚名千秋獨彪炳西接陽羨郊兩山秀而挺報春十里嘯羅
氏環畦町樹樹向斜陽棟花風尚冷反舌已無聲金沙迸出
井此時餐露腴香氣眞絕迴日中摘滿筐雀舌休除屏未啜
紫芽味先安古石鼎六事粗布置重索桃榔縷銀餅姑弃之
山家宜用甌沸湯忌老懶又戒在俄頃出茶
箋俗士不洗茶但
學精滌皿塵垢雜清芬甘味安得永君法天隨子落喉去恹
恹我將搜枯腸幾次成畫餅閉門覓一句拗顛難鉏梗展讀
幼煩詩頓挫復馳騁蒲牢初作吼細響如蛙鼃書法更超倫
握管恣意逞誰云病日衰筆力勁且猛餘勇如可賈師旅期
再整

寄題澱山三十韻

生未之澗湖夢飛二百里三泖衣帶間駭浪到極駛如泝蓬萊船近岸舟難檣扣舷歌悲歌思餐秀而美銀盤一青螺茲山差足擬孤塔聳雲中得得來掌裏秦時有女神騎鶴遺靴履香風吹不斷環珮猶在耳祠宇今無存莫識何年毀其西并未湮來者歎無水改邑曾有時并不與遷徙于此悟升沈可以知泰否庚辰螻鳴遯頭朱太史棹發鴛鴦湖侍坐掇猶子來就陳蕃榻挈舟同畢李未叩寺門開詩思生鴈齒策杖入林端苔掩回經址向有龍淵橋回經石解事有老僧布置粗可喜窗扉納虹霓花草馴鹿兕四面水圍樓一邊山對几兩株鴨腳高清陰逼入髓深紅間淺紅含笑出籬鹿經秋西子脣過兩楊妃指魚鰕等輿臺遲君傾綠蟻鬪韻擘長箋合字先生起太史有合韻競病有人吟應無餘側理如何桐又華重致雙梅里詩輯

卷二十

二

錦鯉展讀未終篇儉腹先披靡況是閉門人山水多疑似蘋臉強濡毫續題存辛已

遊臥龍山

一登西興岸山山齊障天不辨南與北星月長空懸臥龍山獨聳晴霽生雲烟雉堞圍不住峯與城相連時恐風雨暴催送龍入川蓬萊仙人閣崔巍壓其顛五丁鑿不去歷今千百年我來伸一脚思拍洪崖肩偶然發長嘯遠驚山客眠癡欲移家到買山羞無錢戀戀不忍去記一遺百千歸來仿宗炳圖畫終茫然典衣沽斗酒醉去書一篇

窮骨天所付不肯隨物化老大知無用反稅浙東駕垢而未曾滌征衣纔得卸萬事且放開先詣種山下席地說夏王仰天談越霸曲罷聽鶻杯乾詠飛鷗蔓草猶書蕙春花易開

謝生全無人境多受東風嫁遊者何須傷流光自肯借越禽
恣意呼越酒盡情瀉傾倒山水中間遊真無價遙瞻金庭秀
明朝遠趣馬後有登臨人莫笑我來乍

贊皇屬題紅亭對酒圖

昔年別子修門東霜清露白楓葉紅今朝送子橫塘曲山蘋
溪碧秧田綠別兮送兮遠泥霄何如覲面在生綃人皆豔寫
紅亭句岐王宅裏傾別緒我獨淡寫紅豆詞曝書亭畔詠相
思情也景也如冰炭言之令人發一粲君其許我忘形骸願
買鵝溪一疋絹倩人點就菱池夜話圖未識當時貴者何如
賤

送李補山之任處州

吾聞浙東之山名栝蒼其高一萬六千丈有如襟西枕北之
梅里詩輯

卷二十

三

太行棠溪文溪赤溪流其下奔流激石聲訇磕而溯洄朱草
仙花香滿地上有松杉栝柏參天長紫髯者猱雪色鹿往往
叫嘯聞宮墻君今全家住山麓青蔥四面屏風張麴車滿巷
書滿牀蓮心魚肥菜筍白兼珍之膳娛高堂人生何處不得
志詎必羨爾一日腰間黃金

柏梁體一百韻壽竹垞夫子七十

當今之世何煥乎文章直匹唐與虞俯視一切恥同驅成周
郁郁差合符僉曰北斗指三吳邇來移向小長蘆川融山結
鍾鴻儒儒者是誰繫姓朱休誇門第比崔盧所重典刑惟楷
模連篇累牘辭未孕貴覈其真莫獻諛先生弱冠繡於菟目
光炯炯十行俱三篋補足驚須臾有時咳唾成瓊珠句初脫
稿傳滿衢紙價騰高如瑾瑜袖底切玉攜錕鏃易於點雪消

紅鑪胸藏滄海誰敢斲天驚石破逃巖力去陳言淘舊汗
新翻錦樣天然殊尤精隸體清而癯蛟螭在手任攫挐金石
遺文心所娛道逢碧落臥瓊瑤雲昏月黑讀且摸搜奇不倦
甘勤劬青鞵布襪徧江湖佳句盈笥直等軀芳名震起日出
岬流傳一往入金樞天子知名降詢詎廟堂之上交口俞蒲
輪急召趨皇都爭挽頽風看用蘇乍擘紅箋鳳闕鋪如揮成
構渺疇疇天顏有喜新露濡萬選心中拾青蚨花磚視草日
未晡研匣琉璃筆珊瑚賜第常居青瑣隅旋超供奉資廟謨
掄才轉挂江南蒲淘汰弗使爽錙銖一顧能空伏櫪駒造士
于今並駕無考績當除資格拘沙堤應爲先生需先生名覆
天家孟胡爲忽動秋風鱸鳳凰脫去人間笈飛入杳冥得意
呼從今不避金僕姑負郭縱無田一區家園且喜未曾蕪閉

梅里詩輯

卷二十

四

門修竹對高梧屋裏青山排史爰坐客常滿傾宿酤奴以白
飯馬青芻牙籤插架富齊奴終歲收書無了逋嗜痴性癖生
來瘡藜牀坐破雙硯跌窮經輯古耐崎嶇原原本本正歧途
夾漈相逢形覺媠沿流沂源來泗洙微言條暢悉芟膚絲絲
聯貫清糊塗後學薪傳欣鼓舞含咀經義滋味腴幾易編摩
時日徂入錢恐後付雕鏤家藏一冊堪破愚僮父不得妄支
吾此書直與三光扶莫嘆校讐參訂孤謝家子弟誇封胡固
成彪志無焉烏竹實又引鳳出雛書聲互答盈郊郭先生蔗
境樂于于前身應是謫蓬壺珊瑚仙骨超凡夫堂上稱觴羣
角觚有客有客斟醴酬紅牙檀板訝吳歛觀者誰敢吹笙竿
某也夙恃羹膺趨高深頌禱歸吾徒奈何搜索腸已枯自吟
未竟先挪掄一曲方終慙囁喘更進狂言知僭踰曝書亭畔

立斯須丹青願補授經圖

秋錦山房同卯君元洵分韻各得三首

不遇黃梅雨天公亦少怪
補籬兼築岸臨水勝居山
沙嘴戲花鴨荻根眠白鷗
詩成杯在手此外總宜刪
熟梅晴未定早以鵲來占
夜半雨聲止門前溪水添
花開疑鼓羯鳥喚訝詠鹽
截髮君家事無勞認酒帘
半雨半晴候邨南邨北朋
茶無踰七椀酒不限三升
濡髮非斑管栽蕉卽剡藤
青猿閒打睡分付放魚罾

晏起口吟

鏡水稽山裏也來棲一巢
花心雨後坼竹節風前敲
對酒忽思止觀書隨手鈔
齋中睡起候已是卯辰交

石舟洞

梅里詩輯 卷二十

五

入寺疑無路松陰一洞開
石舟今尚在仙子昔曾來
泉送落花出雲隨飛鳥迴
鐘聲林外動招客過山隈

赭溪精舍

蘭若寄居停山川識性靈
澗流三硤勢峯作九疑形
不雨烟長合經冬草尚青
仙源知已近風送遠來馨
應仗蠶叢力能開鳥道奇
遠羅羣木秀俯視衆山卑
高曠尋仙易清幽避暑宜
赭溪好淨水未必俗僧知

康山草堂題壁

城中幾邨壑環列草堂閒
雨灑文同竹雲遮米芾山
簷前花作笑檻外鳥知還
其歎康生後投閒未肯閒
康生名未隱此地及今傳
山色橫天外江聲送几前
人齊邗水月風卷蜀岡烟
何用開荒去閉門有一拳

晚霽

積雨窗紗綠濃陰壓短楹風過花墜影春老鳩無聲池漲泉
流出烟消樹色平披襟相對坐新月向人明

寄題蓬萊閣

蓬萊向在夢魂間曾讀元詩見一班眼界不寬休上閣胸懷
未淨莫登山戒珠簷外開晴色東武樽前列暮顏矯首那堪
回北望江潮時帶海潮還

會稽學舍題壁

水過官牆九箇灣不將琴調換潺湲春深可愛千般鳥日出
同唳四面山品畫約僧來竹裏嘗茶期客到松間東齋無事
西齋去也有先生早閉關

二月朔沙郵對雪卽席限韻

梅里詩輯

卷二十

六

兩峯招客坐西東蕩槩南來趁北風賴有庭梅爭雪白可無
尊酒助顏紅寒猶帶住春將半句到敲成夜過中此際深山
高臥者香魂疑對月當空

丙戌人日雪答周絨齋

毫無情緒酬人日偏對江村欲雪時門外山容惟獨取盤中
菜味有誰知只堪呵凍臨書案不得衝寒到酒旗春孟良辰
便蕭瑟一年何事愜心期

吳興竹枝詞

山下人家半姓羅兒女齊唱采茶歌今年春雨十分足茶比
去年一半多

道場山水環流碧蘿羅裊翠上樓一陣香風吹不斷采蓮

人過白蘋洲

渡錢塘江

晚潮未上早潮迴趁著無風打槳開四面青山騰笑起白頭
始渡浙東來

沈翼

翼字習之又字寅中號菜畦文學進子府學歲貢生
詩話菜畦居喪盡哀甘露降于壘廬藤蔓者三庚子
秋闈同學故人以第一人召之謝不與試可謂行潔
最工書法入分雄宕追蹤竹垞策刻高古絕倫李潔
亦精妙以三錢維毛筆作草書彌復道美善擊彈丸
彈瓦雀應弦而落百無一失一切土木工作農圃之
事靡不詣極專門名家者歎弗如也詩本家學又爲
竹垞太史入室弟子學問精博手眼俱高李制府餘
山刻里中前輩詩先以選擇事委金明經心齋繼以
菜畦未竣事而制府得罪死余嘗見其手定靈蘭館
遺集視心齋定本汰十之三論詩之嚴於此可見同
時若朱芒間徐柘南輩凡有吟咏非質之菜畦不自
信也其自作詩必數易稿乃止嘗與王岫雲註曝書
亭詩成帙子二人竝無後一切撰著俱歸郡城朱氏
余編爲蒐輯僅得詩五十餘首斗間寶氣何時復見

梅里詩輯

卷二十

七

耶

靈威洞

靈威古洞天圖經名第九出入地肺通玲瓏山骨剖其外高
崩劣其中路窈糾惜哉仙靈去隔凡今已久尙有好事者探
奇思冥叩仙鼠紛撲面石筍或礙首香鑪及石牀制作自誰
某觀者詫靈奇信謂神仙有詎知跡已空窟宅神不守誰能
祛其感勒銘置谷口

包山寺

山行日亭午理策叩僧關寺門八九松蒼翠不可攀于焉思
拾級石砌苔花斑東西兩石幢鐫刻何精嫻細看石上字乃
知會昌間惜無好事者響擗流人寰山僧解留客相對皆蒼
顏爲憩上方坐茗椀相牽扳夕陽下西嶺欲去情彌慳

遊西山登縹緲峯絕頂

傳聞西山峯縹緲最雄獨晨興飢山根遙睇若新沐蜿蜒升
層崖屈詰屢匍伏山行不知疲百折忘彳亍忽焉凌絕頂衆
壑皆可掬對此萬象浮彌覺人世感飛鳥有遺音旋風若轉
轂吹我做褐袍毛髮久爲縮青雲如可梯吾其謝塵俗

九日竹垞先生招飲桂樹下分賦得銜字

庭陰有佳樹散花石空嵌欣承謝公宴花下卮同銜比于題
饒字齧我秋兔魄

角頭梨花歌

梨花寒食江南天洞庭十里如雲烟來遊恰逢百五節千樹
萬樹如積雪忽疑鄧尉梅移向角頭開繡毬俗辛夷肥李太
白桃太緋如雪不封條如月不照地絲如垂絲蒂並蒂張公
梅里詩輯

卷二十

八

谷哀家園五升玉乳堪銷魂梨花梨花兮吾期爾於洞庭八
月之秋村

毘陵道中紀夢

平田百頃玻璃色蓮葉初生手堪摘仙人樓閣水中央四面
窗排金屈戍曲房窈窕若有人玉童邀我坐錦茵偶然索筆
起題句縛得松毛一尺新

立秋前一日集芷間觀石田翁山水圖同諸子賦長句

吾家白石翁山水弗漫與當時絕藝誰頡頏文唐數子人矜
許豈知翁也耶壑從心天機神妙過關荆近來眞蹟已難得
殘山剩水無光晶朱雲愛清便邀我吟窩偏此時秋之爲氣
正將屆主客論詩兼論畫只如此圖乃是翁所爲意匠宛似
井西道人派巖巒合沓被微紅松杉高下排晴空綠崖架屋

連崆峒一條瀑布拖長虹恍若坐我黃鶴背冷然忽墮匡廬
五老芙蓉九疊之屏風往時金風師應酬詩懶作獨喜看畫
題長句老成凋謝典型亡吁嗟大雅今蒼涼由來人世如飛
電惟有著作垂千霜與君對畫意良久索紙題詩日將酉已
見微風樹杪生且拚爛醉花前酒

神景觀

神景何年觀天熹此勒碑松排千歲幹花發暮春枝土偶依
墻久黃冠揖客遲欲尋林屋徑仙犬吠芭籬

和人遊南陽臥龍岡

尚憶南陽叟躬耕在草廬何心希亂世抱犒自平居龍臥終
焉出魚游洵不虛君臣千載契管樂未應如

賦構李

梅里詩輯

卷二十

九

木果枝宜擣文從許慎詮雙林初地得三里舊城遷嫁候迎
春始歧分餞臘先玉衡星散後露井萼舒偏日至園方啟陰
疎實易搴味甘梨乳共核小繭絲懸尙憶吳宮豔曾浮越水
船爪痕千古在入市合輪錢

清溪雨泊

輕雷脈脈送春潮危坐剛逢黯淡宵雲斷讓皇飛錫去淖深
高士織簾遙浮生謝屐心常阻愁望吳船鬢欲凋漸擬掩關
桑苧曲何年重赴碧山招

晚過抱山限槎字

十日秋晴一日雨晚來雨過薄寒加尊開籬菊江楓日人在
青桐翠篠家照眼明燈花屢結隔風清漏鼓頻搗月高露淨
霜微白欲汎磯頭七尺槎

過桐江釣臺和韻

羊裘客去渺難尋，猶有荒祠絕壁臨。
七里瀧流明遠瀨，幾家漁屋接平林。
釣徒久已干天象，巖石依然見隱心。
更羨當年仙子並，高風歎息到于今。

富春江接子陵灘，臺迥東西欲上難。
去值連山楓葉滿，歸逢落日翠屏寒。
留題愧後千秋筆，持釣空思六尺竿。
天上客星遺像在，幾人瞻拜肅衣冠。

種桑

種法宜師郭橐駝，齊民要術不須多。
兔園冊子今刪盡，鈔得流郎地母歌。

租田幾稜試開荒，東舍西鄰共我忙。
寄語兒童莫相笑，吾將拋筆事園桑。

梅里詩輯

卷二十

十

舟行喜新漲

吳船赤馬峭帆張，塘面新添二尺強。
忽見前頭浪花白，西風捲作十分涼。

春日雜興

開門忽訝雨吹池，潑刺魚兒侮釣絲。
指點園官種楊柳，杏花春雨燕來時。

玉蘭已見吐晴葩，拾取香苞付筍芽。
縛作釵頭小，松鼠眉鈿不用較金花。

對對胎禽浴淺灘，梳翎已不畏春寒。
阿誰翦去凌霄翅，苦伴山雞守藥闌。

四五十條青玉立，犀簪忽迸淺泥東。
兒童笑指輕雷後，穿過

牆東又一叢。

詩話右詩四首錄于片紙字跡似是小兒女學書者不知誰作考厥由來不出藍村萊畦岫雲三先生之外而風格于萊畦爲近故錄于此以俟再考

繆啟武

啟武字庚先號崖畧處士永謀子嘉興貢生以薦知

汶上縣事有崖畧草堂遺稿

詩語崖畧文藻斐然書法工妙居官慈愨頗著循聲子三人長恩若字慎高刑部員外郎次慈明字方荀又字是龍邑庠生季慧孫字定生號懶翁奉賢縣丞詩筆並妙

週李夢汀村居

兼葭深處舊溪灣有客初從上谷還黃綴籬根千點菊翠飛簷角一房山孤雲野鶴眞吾侶蟹譜魚經待爾刪只恐江干車馬至未容長日臥松關

王 法

梅里詩輯

卷二十

十一

法字上濤號抱山有岫雲軒藝菴齋等集

詩話先生人品高澹名利不撓其心家節廉橋畔日與文士詩僧往還唱和有就雲軒唱和詩之刻周管谷沈藍村沈可權朱求煥王來素鄭全昭倪令章周魯望金遜修釋林虛與先生凡十一人詩一百十四首武原鄭亮亭之早遊朱太史之門稱高第弟子晚與藍村子萊畦交最篤會同註曝書亭集惜未流傳有評定義山詩大具慧解

立秋前一日同萊畦芋陂拙餘集芷閭書屋觀沈石田所畫山水

吾生邛壑性所嗜四十未著尋山屨赤城雁蕩隔千里名夙願何時諧村居出入總愁苦但見雞犬混荆柴况復炎蒸困長夏彎跼不異負殼蝸歷頭檢點已徂暑猶未一葉飄桐階故人招我酌醺醪芳蘭花發香滿齋欣逢數子盡同調行作一字坐肩差掀髯折角樂方劇復愛看畫眸重揩斯圖宛

似一峯筆巖巒四面攢松欒飛泉迸落挂石壁誰把百丈珠
簾排人家兩兩傍隈隩雁齒歷歷欹齧齒眼前此景豈易得
便欲短策攀雙崖當年石田畫最佳筆力直與荆關儕一洗
俗派祛塵霾爲君作歌乏硬語所愧詩膽非劉義

同簪谷前輩暨孫謀不爲林上人過石佛庵分賦得昏
字

野色通微徑幽尋款竹門庭梅開數點池水落無痕市迴烟
仍薄林深翠欲昏追隨慚後輩宗遠幸相存

秋日登吳山絕頂

獨上孱顏頂憑高發興狂江聲混於越地勢劃錢唐城闕生
秋氣林巒下夕陽不知歸路杳更極海門望

李夢汀新居

梅里詩輯

卷二十

十一

載卜南塘宅仍開面水門爲鄰皆舊友聚族復諸昆鶯語喧
清畫桐陰護短垣羨君能愛日添種北堂萱

詠樵李

本自仙人種猶存魯史名發春根始嫁吐萼夜逾明淨相開
新圃圖經徙舊城清陰步離遠要術杖樵輕廣韻樵醉緩切
以木有所擣也
以瓦分歧早成蹊結實并粉痕西子搗墨帖右軍評稍與來
禽別端宜沃土生玉衡知有象終古應星精

過靈溪精舍留飲

數里平疇過綠烟愛乘晚霽越西阡閒房有約來青豆舊社
經時問白蓮簷月未斜宜對酒晨鐘初起且安眠衰年倘得
香林住木葉山花恣論禪

向晚

向晚柴門聞剝啄幽人策杖踏晴沙霜林萬疊帶殘照秋水
一灣浮斷槎漫與有詩堪入集醉鄉無地可爲家閒來雅會
偏能數秉燭論文到月斜

蘆雁

秋老江南儼畫圖橫空征雁下長蘆雲沙眯眼霜侵翼記得
將書入塞無

史卯君乞食圖

十六羅漢貫休筆梵本缺一添此圖江湖乞食無不可勸爾
勿作詩家奴

東溪雨汎集林公房

香林高踞象王臺冒雨乘船酌酒杯蚤有寒梅數枝發春風
應識我重來

梅里詩輯

卷二一

鄭邁

三

邁字序周號拙餘嘉興縣學生

詩話拙餘嘗從竹垞太史遊詩有法度

海棠花下歌爲沈菜畦作

主人小圃纔百弓竹竿篔簹桑叢叢編籬六枳闢芳徑不愛
桃李能白紅海棠數本費栽植一年一度酣春風今年春較
去年好三月更饒晴烟烘我來看花不暇懶詩狂酒伴興畧
同鐵懶入市賒酒至對花泥飲盃槃空坐久不覺日已夕林
扉淡月光腫臃長歌短詠洵可樂歸途醉眼迷西東

立秋前一日集芷間觀石田翁山水圖同諸子賦長句

叢蘭七月香風飄主人置酒相招要高齋疎快我來數況復
把袂皆貧交此時赫暑已將退花前一醉忘炎歊停杯乍展

石田畫森森夏木烟雲饒峯巒崩不可上中有仙人構層
巢山腰飛泉幾百丈晝夜迸落隨洪濤安得置身最高頂俯
瞰濁世如鴻毛想當興到落筆時埽除習氣無纖毫畫家紛
紛爭僞託對此眞蹟誰能淆酒闌起坐重歎息出門沿月歸
東臯

秋夜不寐成詩

秋夜仍難寐迴腸百感生燭花殘更結鴉舅醒便鳴抑鬱江
南思沈吟病婦行坐看涼月上露白讀書棚

詠樵李

珍果江鄉產芳根沃土移種殊周爾雅名紀魯宣尼入臘樵
無害先春嫁有期霧霏傳易批冠礙不多垂結實恒留粉虛
中獨挂絲味甘蒲鴿配痕小苧羅遺鑽核空聞矣登盤或壺
梅里詩輯 卷二十 十四

之來禽祇苑少只慮雁王知

九日

今朝又值登高日冷雨溟濛落桂香著雨遠尋愛酒伴披襟
同倚著書牀不因病減清吟興令節相逢樂未央

周臣

臣字陳侯號緘齋慈溪人遷梅里有三緘齋稿

詩語梅里箋不知昉自何時近代有名者緘齋其一
也餘若有堂顧氏初泊王氏北舫陳氏製作皆精戴
碧川贈緘齋詩云君家早韭晚菘天深淺青紅百卉
妍染法謝公藤十樣莫教錯認薛嵩箋嘗著蜀箋譜
謝公箋十樣色薛嵩箋只深紅一色

咏腐次張艾齋韻

菽水成佳味山厨度歲華清芬兼菜甲澹泊稱貧家入釜金
相似調羹玉可誇本無肉食相應共酒頻賒

對雪

茅檐酌酒對寒空一賞清輝興未窮着樹作花偏雜雨臨溪
欲下不禁風螺峯已失門前翠漁火還留水面紅入夜便思
過剡曲扁舟彷彿畫圖中

貽王次張先生

兩雨風風夜一鐙懷君無那感頻增烏衣門巷推江左白髮
羈棲憶杜陵秋水放舟人獨釣晴山落葉夢先登憐余蹤迹
渾相似許卜連牆恨未曾

送別

春風送客一帆輕纜過長亭又短亭人世若無離別苦灞橋
柳色爲誰青

枕上

梅里詩輯

卷二十

五

十幅蒲帆趁曉風年來歷盡浙西東還山謾說能安枕猶有
波濤入夢中

登高

客中令節惜斜暉獨上螺峯翠染衣縱使黃鸝能醉客鄉心
已逐白雲飛

金大海

大海字逸修庠生有琉璃集

詩話文學學詩于笛谷其在都門客有毀之者曰渠
詩文非已作嚮會見之琉璃殿肆中文學間之遂以
琉璃名集句如歲晏豈宜仍作客夜長不敢更思家
何情真而語爽也

清明前三日同王上濤鄭潛昭過茅亭分韻

花飛紅雨柳飛絲腸斷江村欲暮天香積預寒三日食春陰
不禁一庭烟酒徒漸減非前會僧舍重來亦舊緣惆悵關河

歸計晚在山泉勝出山泉

送友歸姑孰

月黑桃柳叫鷓鴣，愁人不耐客江湖。
殘裝小束催飛棹，剩酒忘乾竟別吾。
好夢連宵尋白紵，歸心一片隔蒼梧。
此行端爲看山至，未到秋風便憶鱸。

東溪雨汎集林公房

短棹輕移一水灣，禪房坐好不知還。
春潮小雨渾多事，飛翠添來幾箇山。

李成大

成大字開遠，一字致能號蔗翁。郡庠歲貢，生厯山陰。慈谿訓導，遷貴池丞。不赴有琴次樓詩草。

梅里詩輯

卷二十

六

人觀其不赴池陽，真有所不爲者也。歸結九老會于里門卒年九十。

慈谿歸述懷

少壯事遠征，因人徒碌碌。架上有遺書，恨不十年讀。晚得一儒官，盤中惟苜蓿。量移池陽丞，折腰毋乃辱。鴻鵠千仞翔，鷓鷯一枝宿。鐘鼎非我期，藜藿願已足。彈鋏笑馮讎，返璞暮顏。觸解組賦歸來，猶及采籬菊。

資福寺

曳杖尋名勝，僧房客到稀。松排青嶂合，泉落白雲飛。法雨還沾草，天花不惹衣。茶烟禪榻畔，坐久自忘機。

和元洵界河村居韻

壤地鄒滕接，閒居靜客魂。短籬分竹徑，高柳蔭柴門。明月故鄉夢，秋風黃葉村。憐余又言別，馬首向梁園。
時余有汴梁之行

孟蓼村招同沈天襄蔡聖堅游華山白雀寺

夾路蒼松合清陰接翠微林開孤寺露雨過百泉飛極目閒
雲遠探幽熱客稀名山兼勝侶日暮卻忘歸

屠金鉉

金鉉字耳黃號竹堂文學達子邑庠生

詩話先生性醇行潔古道自持不以學問驕人而扣
之淵淵不竭不事吟咏從枕漱亭詩中錄得一首

寄題枕漱亭

太守清風誰與儔亭臺勝處好探搜絲繆雖是磯空釣枕漱
依然句足投孤石可從雲外聳一溪還被檻前收幽竒無那
增惆悵蠟屐何年遂此遊

李宣

宣字景濂號謝城學博明啓孫司訓錢琇子嘉興縣

梅里詩輯

卷二十

七

學生有石燕草

詩話先生天真爛漫不琢不雕詩如其人

寄稔鄉弟

南園多荒榛北園長豐草疏地流清泉林外時嘯鳥主人久
不歸寂寞芙蓉老秋風何蕭疎賞花須及蚤

忠言苦於藥美言甘如飴譬彼劔頭蜜貪餌良堪嗤君子慎
躁進況在危疑時往者不可諫贈言當箴規

登太白樓

太白不可作江山千古愁我來登樓望極目空悠悠野鶴發
清唳涼烟起暮秋臨風三嘆息明月照芳洲

秋柳

何來長笛咽悲涼兩岸蕭疎望渺茫落葉暗銷烟曉碧短枝

微動月昏黃白蘋風起仍依水烏鳥曉時不耐霜憔悴那堪
重折贈幾回惆悵過橫塘

過山人靜室

平林挂夕陽古塔風鈴語空山寂無人竹徑飄殘雨

獨坐

獨坐古庭陰斜陽下庭樹轉眼暮雲生瀟瀟碧窗雨

春感

溪靜初融日林昏未散霞今年更潦倒春盡不看花

春意

春風度空廊春階灑微雨庭花落無聲隔簾新燕語

春日贈鄭敘周

到眼春光滿碧湖無端風雨暗平蕪自從花落黃陵後不許

梅里詩輯

卷二十

六

人間賦鷓鴣

胡璉

璉字王器監生

詩話上舍子武生廷儀字雲蒼指頭作畫時推能品
斷縑零素不復可得

訪友

重來尋故友爲度石橋東人隔寒溪外風吟槁葉中參差花
影亂寂歷鳥聲空一醉忘歸後斜陽映水紅

胡璉

璉字珍上號雪崖璉弟官合肥縣丞有晴玉山房集

詩話歲丙申余下榻山房始得讀雪崖刻集詩百餘
篇前此未聞也可知前輩著述我儕搜羅不及者正
復不少

登報恩浮屠

登臨堪縱目且上最高頭雲碧三山夕楓丹六代秋雁從天
墜落江抱石城流幾點征帆影隨風任去留

秋柳

幾度涼風落葉輕灞陵殘照倍淒清無端又是關山別愁聽
寒蟬送遠聲

胡廷銓

廷銓字敘揆號松谷璉兄子監生

詩話松谷子監生維字聚書餘萬卷與青谿
李氏相埒多曝書亭藏本

雙橋夜泊

扁舟今夜泊危纜繫江楓山月窺遊子溪雲護短篷吟餘孤
艇外思發一杯中更聽西風裏哀鳴過遠鴻

吳讓木

梅里詩軒

卷二十一

九

讓木字交樹官樂清教諭升衢州府教授

樂清除夕懷諸兄弟

官舍蕭條度歲華鄉書猶自隔天涯雲邊千嶺藏餘雪海上
孤城有暮笳蠟炬燒殘年盡夜清尊醉到夢中家今宵兄弟
應相憶誰向椒盤更頌花

吳大木

大木字子山貢生

己未秋送四兄回任樂清

亭臯木落正西風長定相違九月中檢點征衫秋露冷留連
別酒蠟燈紅廣文官舍清如許小謝池塘夢亦通他日茱萸
應懶插弟兄強半各西東

許國

國字令升

桃葉潭

清潭日夕水長洄無數桃花夾岸開莫遣漁郎傳世上問津從此引舟來

沈珽

珽字搢方

與李人瞻峴山晚眺

落山峴山秀鐘聲近寺清晚霞橫北嶺烟樹隱東城倦鳥投

林宿歸心極目生與君同作客共有故園情

戴碧川由婺源橋居梅里晚年主講金華麗正書院兄弟四人鎔鍊錄劔俱有名稱戴氏五子繆庚先以秋曹主政陸錦文薦授汝上令居官有仁聞王雲岫爲布衣芬從子李開遠爲諸生允澄子胡玉器以下七家從輯餘補入孫繼識

梅里詩輯

卷二十

三



